



Comhairle an
Aontais Eorpaigh

An Bhruiséal, 12 Meitheamh 2019
(OR. en)

10137/19

**Comhad Idirinstitiúideach:
2018/0250(COD)**

JAI 671
FRONT 206
ENFOPOL 298
CADREFIN 274
CT 59
CODEC 1207

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	9349/19
Ábhar:	Togra le haghaidh Rialachán ó Pharlaimint na hEorpa agus ón gComhairle lena mbunaítear an Ciste Slándála Inmheánaí (CSI) - Cur chuige ginearálta páirteach

Gheobhaidh na toscaireachtaí san Iarscríbhinn téacs an chur chuige ghinearálta pháirtigh i leith an Rialacháin thuasluaite, mar a chomhaontaigh an Chomhairle é an 7 Meitheamh 2019.

2018/0250 (COD)

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena mbunaítear an Ciste Slándála Inmheánaí

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 82(1)
Airteagal 84 agus Airteagal 87(2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa¹,

Ag féachaint don tuairim ó Choiste na Réigiún²,

Ag gníomhú dóibh i gcomhréir leis an ngnáthnós imeachta reachtach,

1

2

De bharr an méid seo a leanas:

- (1) Is é atá i slándáil inmheánach a áirithiú, ar inniúlacht de chuid na mBallstát é, iarracht chomhroinnte ar cheart d'institiúidí an Aontais, gníomhaireachtaí ábhartha de chuid an Aontais agus na Ballstáit rannchuidiú léi go comhpháirteach. Sa tréimhse 2015 go 2020, rinne an Coimisiún, Comhairle an Aontais Eorpaigh agus Parlaimint na hEorpa sainmhíniú ar thosaíochtaí coiteanna mar a leagtar amach sa Chlár Oibre Eorpach maidir leis an tSlándáil i mí Aibreáin 2015³, a ndearna an Chomhairle iad a athdhearbhú sa Straitéis Athnuaithe Slándála Inmheánaí i mí an Mheithimh 2015⁴ agus Parlaimint na hEorpa ina Rún i mí Iúil 2015⁵. Ba é an aidhm a bhí leis an straitéis chomhroinnte sin creat straitéiseach a chur ar fáil don obair i réimse na slándála inmheánaí ar leibhéal an Aontais agus sainmhíníodh inti na príomhthosaíochtaí gníomhaíochta chun freagairt éifeachtach ón Aontas do bhagairtí slándála á áirithiú don tréimhse 2015-2020, eadhon dul i ngleic leis an sceimhlitheoireacht agus an radacú a chosc, cur isteach ar an gcoireacht eagraithe, [...] an chibearchoireacht *a chosc* agus a chomhrac.
- (2) I nDearbhú na Róimhe a síníodh ar an 25 [...] *Márta* 2017, dhearbhaigh ceannairí 27 mBallstát a ndiongbháilteacht i ndáil le hEoraip shábháilte agus shlán agus i ndáil le hAontas a chruthú, ar Aontas é ina mothóidh na saoránaigh go léir sábháilte agus ina bhféadfaidh siad gluaiseacht faoi shaoirse, ina mbeidh na teorainneacha seachtracha daingnithe agus a mbeidh beartas imirce aige a bheidh éifeachtúil, freagrach agus inbhuanaithe, lena n-urramófar noirm idirnáisiúnta, chomh maith le hEoraip atá meáite ar an sceimhlitheoireacht agus ar an gcoireacht eagraithe a chomhrac.
- (3) D'iarr an Chomhairle Eorpach an 15 Nollaig 2016 go leanfaí d'Iris-inoibritheacht córas faisnéise agus bunachar sonraí de chuid AE a sholáthar. Leag Comhairle Eorpach an 23 Meitheamh 2017 béim ar an ngá a bhí le feabhas a chur ar idir-inoibritheacht idir bunachair sonraí agus an 12 Nollaig 2017 ghlac an Chomhairle togra le haghaidh Rialachán maidir le creat a bhunú le haghaidh idir-inoibritheacht idir córais faisnéise de chuid an Aontais (Comhar póilíneachta agus breithiúnais, tearmann agus imirce)⁶.

³ COM(2015) 185 final an 28 Aibreán 2015.

⁴ Conclúidí ón gComhairle an 16 Meitheamh 2015 maidir le Straitéis athnuaithe Slándála Inmheánaí don Aontas Eorpach 2015-2020.

⁵ Rún ó Pharlaimint na hEorpa an 9 Iúil 2015 faoin gClár Oibre Eorpach maidir leis an tSlándáil (2015/2697(RSP)).

⁶ COM(2017) 794 final.

- (4) Ba cheart cuspóir an Aontais maidir le hardleibhéal slándála a áirithiú laistigh de limistéar saoirse, slándála agus ceartais de bhun Airteagal 67(3) den Chonradh ar Fheidhmiú an Aontais Eorpaigh (CFAE) a bhaint amach, *inter alia*, trí bhíthin beart d'fhonn an choireacht a chosc agus a chomhrac agus trí bhíthin beart ar mhaithe le comhordú agus le comhar idir údaráis forfheidhmithe dlí na mBallstát agus údaráis náisiúnta eile de chuid na mBallstát, lena n-áirítear gníomhaireachtaí ábhartha de chuid an Aontais agus comhlachtaí ábhartha eile de chuid an Aontais , agus le tríú tíortha ábhartha agus le heagraíochtaí idirnáisiúnta.
- (5) Chun an cuspóir seo a bhaint amach, ní mór gníomhaíochtaí a dhéanamh ar leibhéal an Aontais chun daoine, [...] earraí, ***spásanna poiblí agus bonneagar ríthábhachtach*** a chosaint ar bhagairtí atá níos trasnáisiúnta ina gcineál i gcónaí agus chun tacú leis an obair a dhéanann údaráis inniúla na mBallstát. Bíonn an sceimhlitheoireacht, an choireacht thromchúiseach eagraithe, an choireacht ghluaisteach, an gháinneáil ar dhruaí, an t-éilliú, an chibearchoireacht, an gháinneáil ar dhaoine agus ar airm, *inter alia*, ina ndúshláin i gcónaí maidir le slándáil inmheánach an Aontais.
- (6) Ba cheart cistiú as buiséad an Aontais a dhíriú ar ghníomhaíochtaí ina bhféadfadh idirghabháil an Aontais breisluach a chur ar fáil i gcomparáid le gníomhaíochtaí a dhéanfaidh na Ballstáit féin. I gcomhréir le hAirteagal 84 agus Airteagal 87(2) CFAE, ba cheart go dtacófaí, leis an gcistiú, le bearta chun tacú le gníomhaíocht na mBallstát agus iad a chur chun cinn i réimse chosc na coireachta agus an chomhair póilíneachta a mbeidh baint ag údaráis inniúla uile na mBallstát leis go háirithe i ndáil le faisnéis a mhalartú, comhar oibríochtúil méadaithe agus tacú le hiarrachtaí cumais a neartú chun an choireacht a chomhrac agus a chosc. ***Is ceart don Chiste tacaíocht a thabhairt chun oiliúint a chur ar bhaill foirne agus saineolaithe ábhartha, i gcomhréir leis na prionsabail ghinearálta atá sa Scéim Eorpach um Oiliúint i bhForfheidhmiú an Dlí (LETS)***. Ba cheart nach dtacófaí, leis an gCiste, le costais oibriúcháin agus gníomhaíochtaí a bhaineann le feidhmeanna riachtanacha na mBallstát i dtaca le riail agus reacht a choimeád agus an tslándáil inmheánach agus náisiúnta a chosaint dá dtagraítear in Airteagal 72 CFAE.

- (7) Chun *acquis* Schengen a chaomhnú agus chun a fheidhmiú a neartú, bhí sé d'oibleagáid ar na Ballstáit, ón 6 Aibreán 2017 i leith, seiceálacha córasacha a dhéanamh in aghaidh bunachair sonraí ábhartha maidir le saoránaigh de chuid an Aontais atá ag trasnú teorainneacha seachtracha an Aontais. Ina theannta sin, sheol an Coimisiún Moladh chuig na Ballstáit maidir le húsáid fheabhsaithe a bhaint as seiceálacha póilíní agus as comhar trasteorann. Ba cheart go mbeadh dlúthpháirtíocht i measc na mBallstát, soiléireacht maidir le roinnt na gcúraimí, urraim do chearta agus saoirsí bunúsacha agus don smacht reachta, fócas láidir ar an gcomhthéacs domhanda agus ar an gcomhchuibheas is gá leis an tslándáil sheachtrach ar na príomhphrionsabail a threoraíonn an tAontas agus gníomhaíochtaí na mBallstát i dtaca le fíoraontas slándála éifeachtach a fhorbairt.
- (8) Chun rannchuidiú le fíoraontas slándála éifeachtach a fhorbairt agus a chur chun feidhme arb aidhm dó ardleibhéal slándála inmheánaí a áirithiú ar fud an Aontais, ba cheart tacaíocht airgeadais leordhóthanach ón Aontas a chur ar fáil do na Ballstáit trí Chiste Slándála Inmheánaí ('an Ciste') a bhunú agus a bhainistiú.
- (9) Ba cheart an Ciste a chur chun feidhme agus lánurraim á tabhairt do na cearta agus do na prionsabail a chumhdaítear i gCairt um Chearta Bunúsacha an Aontais Eorpaigh agus d'oibleagáidí idirnáisiúnta an Aontais maidir le cearta bunúsacha.
- (10) De bhun Airteagal 3 den Chonradh ar an Aontas Eorpach (CAE), ba cheart go dtacódh an Ciste le gníomhaíochtaí a áirithíonn cosaint do leanaí in aghaidh foréigin, mí-úsáide, dúshaothraithe agus faillí. Ba cheart go dtacódh an Ciste freisin le coimirce agus cúnamh do leanaí atá ina bhfinnéithe nó ina n-íospartaigh, go háirithe iadsan atá gan tionlacan nó ar shlí eile a bhfuil gá le caomhnóireacht acu.

- (11) I gcomhréir leis na tosaíochtaí comhroinnte a sainaitníodh ar leibhéal an Aontais chun ardleibhéal slándála a áirithiú san Aontas, tacóidh an Ciste le gníomhaíochtaí atá dírithe ar aghaidh a thabhairt ar na príomhbhagairtí slándála, le gníomhaíochtaí *a choisceann* agus a théann i ngleic leis an sceimhlitheoireacht agus an radacú, leis an gcoireacht thromchúiseach eagraithe agus an chibearchoireacht, le *bainistiú éifeachtach ar rioscaí agus géarchéimeanna slándála*, agus le cuidiú agus cosaint a thabhairt d'íospartaigh na coireachta. Áiritheofar leis an gCiste go mbeidh acmhainní leordhóthanacha ag an Aontas agus na Ballstáit chun aghaidh a thabhairt ar bhagairtí atá ag forbairt agus ag teacht chun cinn, *lena n-áirítear bagairtí hibrídeacha*, d'fhonn fíoraontas slándála a chur chun feidhme. Ba cheart é sin a shaothrú trí bhíthin cúnamh airgeadais chun tacú le malartú faisnéise níos fearr, an comhar oibríochtúil a mhéadú agus cumais náisiúnta agus chomhchoiteanna a fheabhsú.
- (12) Faoi chuimsiú chreat cuimsitheach an Chiste, ba cheart don chúnamh airgeadais a chuirtear ar fáil faoin gCiste tacú le comhar póilíneachta agus breithiúnach, cosc i réimse na coireachta tromchúisí agus eagraithe, gáinneáil aindleathach ar airm, éilliú, sciúradh airgid, gáinneáil ar dhruaí, an choireacht comhshaoil, malartú faisnéise [...], an sceimhlitheoireacht, gáinneáil ar dhaoine, dúshaothrú na himirce neamhdhleathaí, teacht i dtír gnéasach ar leanaí, dáileadh íomhána de mhí-úsáid leanaí agus pornagrafaíochta leanaí agus an chibearchoireacht. Leis an gCiste ba cheart tacú le daoine, spásanna poiblí agus bonneagar criticiúil a chosaint ar theagmhais slándáilbhunaithe agus tacú le bainistiú éifeachtach rioscaí agus géarchéimeanna slándáilbhunaithe, lena n-áirítear trí chomhbheartais (straitéisí, timthriallacha beartais, cláir agus pleananna gníomhaíochta), reachtaíocht agus comhar praiticiúil a fhorbairt.

- (13) Is ceart don Chiste cur le torthaí agus infheistíochtaí a réamhtheachtaithe: an clár um an gcoireacht a chosc agus a chomhrac agus an clár um an sceimhlitheoireacht agus rioscaí slándáilbhunaithe eile a chosc, ullmhú dóibh agus n-iarmhairtí a bhainistiú (CIPS) don tréimhse 2007-2013, agus an ionstraim um an gcomhar póilíneachta chun an choireacht a chosc agus a chomhrac agus um ghéarchéimeanna a bhainistiú mar chuid den Chiste Slándála Inmheánaí don tréimhse 2014-2020, a bunaíodh le Rialachán (AE) Uimh. 513/2014 ó Pharlaimint na hEorpa agus ón gComhairle⁷, agus ba cheart cur leis chun forbairtí nua a chur san áireamh.
- (14) Ní mór an tionchar a bhíonn ag cistiú an Aontais a uasmhéadú trí acmhainní airgeadais poiblí agus príobháideacha a shlógadh, a chomhthiomsú agus a luamhánú. Leis an gCiste ba cheart rannpháirteachas agus rannpháirtíocht ghníomhach fhóna na sochaí sibhialta a chur chun cinn agus a spreagadh, lena n-áirítear eagraíochtaí neamhrialtasacha, chomh maith leis an earnáil thionsclaíoch i bhforbairt agus cur chun feidhme an bheartais slándála, lena n-áirítear i gcás inarb ábhartha rannpháirtíocht gníomhaithe ábhartha eile, gníomhaireachtaí de chuid an Aontais agus comhlachtaí eile de chuid an Aontais i dtaca le cuspóir an Chiste.

⁷ Rialachán (AE) Uimh. 513/2014 ó Pharlaimint na hEorpa agus ón gComhairle an 16 Aibreán 2014 lena mbunaítear, mar chuid den Chiste Slándála Inmheánaí, an ionstraim le haghaidh comhar póilíneachta, coireacht a chosc agus a chomhrac agus bainistíocht géarchéime lena n-aisghairtear Cinneadh Uimh. 2007/125/CE ón gComhairle (IO L 150, 20.5.2014, lch. 93).

- (15) Laistigh de chreat cuimsitheach de straitéis frithdhrugaí an Aontais a mholann cur chuige cothrom atá bunaithe ar laghdú comhuaineach ar sholáthar agus éileamh, ba cheart, leis an gcúnamh dlíthiúil a sholáthraítear faoin gCiste seo, tacaíocht a thabhairt do na gníomhaíochtaí uile atá dírithe ar gháinneáil ar dhrugaí a chosc agus a chomhrac (soláthar agus éileamh a laghdú), agus go háirithe bearta atá dírithe ar tháirgeadh, ar mhonarú, ar eastóscadh, ar dhíol, ar iompar, ar allmhairiú agus ar onnmhairiú drugaí mídhleathacha, lena n-áirítear seilbh a bheith orthu agus iad a cheannach, d'fhonn a bheith ag gabháil do ghníomhaíochtaí gáinneála drugaí. Leis an gCiste ba cheart go gcumhdófaí go háirithe gnéithe coisctheacha an bheartais drugaí. Ar mhaithe le tuilleadh sineirgí agus soiléireachta sa réimse a bhaineann le drugaí, ba cheart na heilimintí sin de na cuspóirí a bhaineann le drugaí – a chumhdaíodh faoin gclár um Cheartas in 2014-2020 – a ionchorprú sa Chiste.
- (16) D'fhonn a áirithiú go rannchuideoidh an Ciste go héifeachtach le leibhéal slándála inmheánaí níos airde ar fud an Aontais Eorpaigh agus le fíoraontas slándála a fhorbairt, ba cheart é a úsáid ar dhóigh a gcuirtear an luach is mó le gníomhaíocht na mBallstát.
- (17) Ar mhaithe le leas na dlúthpháirtíochta san Aontas, agus le meon freagrachta comhroinnte as an tslándáil ann, i gcás ina saináithnítear laigí nó rioscaí, de thoradh mheastóireacht Schengen go háirithe, ba cheart don Bhallstát lena mbaineann aghaidh a thabhairt go leordhóthanach ar an méid sin trí úsáid a bhaint as acmhainní faoina chlár chun moltaí a glacadh de bhun Rialachán (AE) Uimh. 1053/2013 a chur chun feidhme⁸.

⁸ Rialachán (AE) Uimh. 1053/2013 ón gComhairle an 7 Deireadh Fómhair 2013 lena mbunaítear sásra meastóireachta agus faireacháin chun cur i bhfeidhm *acquis* Schengen a fhíorú agus lena n-aisghairtear an Cinneadh ón gCoiste Feidhmiúcháin an 16 Meán Fómhair 1998 lena mbunaítear Buainchoiste um measúnú agus cur chun feidhme Schengen (IO L 295, 6.11.2013, lch. 27).

- (18) Chun rannchuidiú le cuspóirí an Chiste a bhaint amach, ba cheart do na Ballstáit a áirithiú go dtugtar aghaidh ina gcláir ar chuspóirí sonracha an Chiste, go bhfuil na tosaíochtaí a roghnófar i gcomhréir leis na bearta cur chun feidhme a leagtar amach in Iarscríbhinn II agus go n-áirithítear le leithdháileadh acmhainní idir cuspóirí gur féidir an cuspóir beartais foriomlán a bhaint amach.
- (19) Ba cheart sineirgí, comhsheasmhacht agus éifeachtúlacht a lorg le cistí eile de chuid an Aontais agus ba cheart forluí idir na gníomhaíochtaí a sheachaint.
- (20) Ba cheart an Ciste bheith comhleanúnach agus comhlántach le cláir eile de chuid an Aontais i réimse na slándála. Lorgófar sineirgí go háirithe leis an gCiste Tearmainn, [...] Imirce **agus Lánpháirtíochta**, an Ciste um Bainistiú Comhtháite Teorainneacha ina bhfuil an ionstraim um bainistiú teorainneacha agus um víosaí a bunaíodh le Rialachán (AE) X agus an ionstraim um threalamh rialaithe custaim a bunaíodh le Rialachán (AE) X mar aon le Cistí eile an bheartais comhtháthaithe a chumhdaítear le Rialachán (AE) X [Rialachán na bhForálacha Coiteanna], an chuid de chlár Fís Eorpach a bhaineann le taighde slándála a bunaíodh le Rialachán (AE) X, an clár um Chearta agus Luachanna a bunaíodh le Rialachán (AE) X, an clár um Cheartas a bunaíodh le Rialachán (AE) X, an clár don Eoraip Dhigiteach a bunaíodh le Rialachán (AE) X, agus clár InvestEU a bunaíodh le Rialachán (AE) X. Ba cheart sineirgí a lorg go háirithe i dtaca le slándáil bonneagair agus spásanna poiblí, an chibearshlándáil agus leis an radacú a chosc. Tá sásraí comhordúcháin éifeachtacha riachtanach chun gnóthú éifeachtach na gcuspóirí beartais a uasmhéadú, le go mbainfear leas as barainneachtaí scála agus le go seachnófar forluí idir gníomhaíochtaí.

(20a) Ar mhaithe le feabhas a chur ar na comhlántachtaí atá idir an Ciste Slándála Inmheánaí agus an Ionstraim um Bainistiú Teorainneacha agus um Víosáí, is ceart a bheith ar chumas an Chiste maoiniú a dhéanamh ar threalamh ilchuspóra agus ar chórais TFC a bhfuil a bpríomhchuspóir i gcomhréir leis an Rialachán seo ach a rannchuidíonn freisin chun cuspóirí na hIonstraim um Bainistiú Teorainneacha agus um Víosáí, a bunáodh le Rialachán (AE) .../ ... [IBTV], a bhaint amach.

(21) Ba cheart bearta i dtríú tíortha agus maidir le tríú tíortha a fhaigheann tacaíocht tríd an ionstraim a chur chun feidhme ar bhonn sineirge agus comhleanúnachas iomlán le gníomhaíochtaí eile lasmuigh den Aontas agus ba cheart na bearta sin a bheith ina gcomhlánú ar ghníomhaíochtaí eile a fhaigheann tacaíocht trí ionstraimí maoinithe sheachtraigh an Aontais. Agus gníomhaíochtaí den sórt sin á gcur chun feidhme, ba cheart, go háirithe, iarracht a dhéanamh teacht ar chomhleanúnachas iomlán le prionsabail agus le cuspóirí ginearálta de chuid gníomhaíocht sheachtrach agus bheartas eachtrach an Aontais a bhaineann leis an tír nó leis an réigiún atá i gceist. I ndáil leis an éirim sheachtrach, ba cheart go gcuirfeadh an Ciste feabhas ar an gcomhar le tríú tíortha i réimsí a bhfuil baint acu le leas slándála inmheánaí an Aontais, amhail cur i gcoinne na sceimhlitheoireachta agus an radacaithe, comhar le húdaráis forfheidhmithe dlí i dtríú tíortha sa chomhrac in aghaidh na sceimhlitheoireachta (lena n-áirítear gníomhairí a chur ar dícheangal agus foirne comhpháirteacha imscrúdaithe), an choireacht thromchúiseach eagraithe agus an t-éilliú, gáinneáil ar dhaoine agus smuigleáil imirceach. ***Sna conclúidí uaithi ar an 28 Meitheamh 2018, chuir an Chomhairle Eorpach i dtreis go raibh gá le hionstraimí solúbtha, a cheadódh eisíocaíocht a dhéanamh gan mhoill, chun an imirce neamhdhleathach a ghleic.***

(22) Ba cheart cistiú as buiséad an Aontais a dhíriú ar ghníomhaíochtaí ina bhféadfadh idirghabháil an Aontais breisluach a chur ar fáil i gcomparáid le gníomhaíochtaí arna ndéanamh ag na Ballstáit amháin. De bhrí go bhfuil gné thrasteorann ag baint leis an tslándáil tá gá le freagairt láidir chomhordaithe ón Aontas. Rannchuideoidh an tacaíocht airgeadais a sholáthraítear faoin Rialachán seo go háirithe le neartú cumas náisiúnta agus chumas an Aontais i réimse na slándála.

- (23) Féadfár a mheas nach bhfuil Ballstát ag comhlíonadh an *acquis* ábhartha de chuid an Aontais, maidir le tacaíocht oibríochta faoin gCiste seo, murar chomhlíon sé a chuid oibleagáidí faoi na Conarthaí i réimse na slándála, má tá baol soiléir ann go sáróidh an Ballstát luachanna an Aontais agus an *acquis* maidir le slándáil á chur chun feidhme aige, nó má shaináithnítear easnaimh sa réimse ábhartha i dtuarascáil mheastóireachta faoi shásra meastóireachta agus faireacháin Schengen.
- (24) Ba cheart an gá atá le solúbthacht agus simpliú méadaithe a léiriú sa Chiste agus ceanglais i dtéarmaí intuarthachta á n-urramú san am céanna, agus a áirithiú go ndáilfear acmhainní go cothrom agus go trédhearcach chun na cuspóirí a leagtar síos sa Rialachán seo a chomhlíonadh.
- (25) Ba cheart go mbunófaí leis an Rialachán seo na méideanna tosaigh a thabharfar do na Ballstáit a ríomhfar ar bhonn na gcritéir a leagtar síos in Iarscríbhinn I.
- (26) Beidh na méideanna tosaigh sin mar bhonn d'infheistíochtaí fadtéarmacha na mBallstát sa tslándáil. Chun athruithe i ndáil le bagairtí slándála nó ar an gcás bonnlíne a chur san áireamh, ba cheart méid breise a leithdháileadh ar na Ballstáit ag an meántéarma agus beidh sé bunaithe ar na sonraí staitistiúla is déanaí atá ar fáil mar a leagtar amach san eochair dháileacháin iad [...].
- (27) De bhrí go mbíonn dúshláin i réimse na slándála ag teacht chun cinn de shíor, is gá leithdháileadh cistiúcháin a chur in oiriúint d'athruithe ar bhagairtí slándála agus cistiú a stiúradh i dtreo na dtosaíochtaí a bhfuil an breisluach is airde don Aontas ag baint leo. Chun freagairt do riachtanais phráinneacha, d'athruithe ar bheartais agus do thosaíochtaí an Aontais agus chun cistiú a stiúradh i dtreo gníomhaíochtaí a bhfuil ardleibhéal de bhreisluach an Aontais ag baint leo, déanfar cuid den chistiú a leithdháileadh go tráthrialta, trí shaoráid théamach, ar ghníomhaíochtaí sonracha, ar ghníomhaíochtaí de chuid an Aontais agus ar chúnamh éigeandála.
- (28) Ba cheart na Ballstáit a spreagadh chun cuid dá leithdháileadh don chlár a úsáid chun gníomhaíochtaí a liostaítear in Iarscríbhinn IV a mhaoiniú lena mbaintear leas as ranníocaíocht níos airde ón Aontas.

- (29) D'fhéadfaí cuid de na hacmhainní a bheidh ar fáil faoin gCiste a dháileadh ar mhaithe le cur chun feidhme gníomhaíochtaí sonracha a bhfuil iarracht chomhoibríoch ó na Ballstáit riachtanach ina leith nó más gá cistiú breise a chur ar fáil do Bhallstát amháin nó níos mó de thoradh cúinsí atá tagtha chun cinn san Aontas. Ba cheart don Choimisiún na gníomhaíochtaí sonracha sin a shainiú ina chláir oibre.
- (30) Ba cheart don Chiste a bheith ina rannchuidiú le tacaíocht a thabhairt do na costais oibriúcháin a bhaineann leis an tslándáil inmheánach agus cur ar chumas na mBallstát na hacmhainneachtaí sin atá ríthábhachtach don Aontas ina iomláine a choinneáil. Is é atá i gceist le tacaíocht den sórt sin roinnt costas sonracha a bhaineann le cuspóirí an Chiste a aisíoc ina n-iomláine agus ba cheart an méid sin a bheith mar chuid lárnach de chláir na mBallstát.
- (31) Chun cur chun feidhme a chuspóir beartais a chomhlánú ar an leibhéal náisiúnta trí chláir na mBallstát, ba cheart tacaíocht a chur ar fáil leis an gCiste freisin le haghaidh gníomhaíochtaí ar leibhéal an Aontais. Ba cheart na gníomhaíochtaí sin a dhéanamh chun críocha straitéiseacha foriomlána a bhaint amach laistigh de raon feidhme idirghabhála an Chiste i ndáil le hanailís ar bheartais agus nuálaíocht, le foghlaim fhrithpháirteach thrasnáisiúnta agus comhpháirtíochtaí agus le tionscnaimh agus gníomhaíochtaí nua a thriail ar fud an Aontais.
- (32) D'fhonn acmhainneacht an Aontais freagairt láithreach a thabhairt ar theagmhais a bhaineann leis an tslándáil nó ar bhagairtí atá ag teacht chun cinn ar an Aontas a neartú, ba cheart go bhféadfaí cúnaimh éigeandála a sholáthar i gcomhréir leis an gcreat a leagtar amach sa Rialachán seo. Níor [...] cheart cúnaimh éigeandála a chur ar fáil chun tacú le bearta teagmhais agus fhadtéarmacha [...] ***ná nuair nach ndéanann na húdaráis inniúla pleanáil agus freagairt mar is ceart.***

- (33) D'fhonn an tsolúbthacht gníomhaíochta is gá a áirithiú agus chun freagairt do riachtanais atá ag teacht chun cinn ba cheart go bhféadfaí acmhainní airgeadais breise iomchuí a chur ar fáil do ghníomhaireachtaí díláraithe ionas go mbeidh siad in ann cúraimí éigeandála áirithe a dhéanamh. I gcásanna ina bhfuil an cúram atá le déanamh de chineál atá chomh práinneach sin nach bhféadfaí leasú ar a mbuiséad a thabhairt chun críche in am, ba cheart gníomhaireachtaí díláraithe a bheith incháilithe mar thairbhíthe cúnaimh éigeandála, lena n-áirítear i bhfoirm deontas, a thagann le tosaíochtaí agus tionscnaimh a shainaithnítear ar leibhéal an Aontais ag institiúidí an Aontais.
- (34) Tabharfar aghaidh ar chuspóir beartais an Chiste seo freisin trí ionstraimí airgeadais agus trí ráthaíocht bhuiséadach faoi fhuinneog bheartais InvestEU. Ba cheart tacaíocht airgeadais a úsáid chun aghaidh a thabhairt ar chliseadh margaidh nó ar chásanna infheistíochta fo-optamacha, ar mhodh comhréireach agus níor cheart maoiniú príobháideach a dhúbláil nó a phlódú mar gheall ar ghníomhaíochtaí a dhéantar ná iomaíocht sa mhargadh inmheánach a shaobhadh. Ba cheart breisluach soiléir Eorpach a bheith leis na gníomhaíochtaí a dhéantar.
- (34a) Is ar bhonn deonach a dhéantar oibríochtaí measctha agus is oibríochtaí iad a fhaigheann tacaíocht ó bhuiséad an Aontais lena gcomhcheanglaítear foirmeacha in-aisíochta agus/nó foirmeacha neamh-in-aisíochta tacaíochta ó bhuiséad an Aontais d'fhoirmeacha in-aisíochta tacaíochta ó institiúidí cur chun cinn/ forbartha nó ó institiúidí airgeadais poiblí eile, agus ó institiúidí airgeadais tráchtála agus infheisteoirí.***
- (35) Leagtar síos leis an Rialachán seo imchlúdach airgeadais don Chiste Slándála Inmheánach arb éard a bheidh ann an príomh-mhéid tagartha, de réir bhrí mhír [X] den Chomhaontú Idirinstitiúideach an [X] idir Parlaimint na hEorpa, an Chomhairle agus an Coimisiún maidir leis an smacht buiséadach, maidir le comhar in ábhair bhuiséadacha agus maidir le bainistíocht fhóna airgeadais⁹, do Pharlaimint na hEorpa agus don Chomhairle le linn an nós imeachta bhuiséadaigh bhliantúil.

⁹ [...]

- (36) Tá feidhm ag **Rialachán (AE, Euratom) 2018/1046 ó Pharlaimint na hEorpa agus ón gCoimisiún** [...] ¹⁰ [...] i leith an Chiste seo. Leagtar síos leis rialacha maidir le cur chun feidhme buiséad an Aontais, lena n-áirítear na rialacha maidir le deontais, duaiseanna, soláthar, cur chun feidhme indíreach, cúnamh airgeadais, ionstraimí airgeadais agus ráthaíochtaí buiséadacha. D'fhonn comhleanúnachas a áirithiú maidir le cur chun feidhme clár cistiúcháin de chuid an Aontais, beidh feidhm ag an Rialachán Airgeadais maidir leis na gníomhaíochtaí a chuirfear chun feidhme sa bhainistíocht dhíreach nó sa bhainistíocht indíreach faoin gCiste Slándála Inmheánaí.
- (37) Chun críche gníomhaíochtaí faoin mbainistíocht chomhroinnte a chur chun feidhme, ba cheart an Ciste a bheith ina chuid de chreat comhleanúnach ina mbeidh an Rialachán seo, [...] **Rialachán (AE, Euratom) 2018/1046** agus Rialachán na bhForálacha Coiteanna (AE) Uimh. X¹¹.
- (38) Le Rialachán (AE) Uimh. X [RFC] bunaítear an creat gníomhaíochta do Chiste Forbraíochta Réigiúnaí na hEorpa (CFRE), do Chiste Sóisialta na hEorpa Plus (CSE+), don Chiste Comhtháthaithe, don Chiste Eorpach Muirí agus Iascaigh (CEMI), don Chiste Tearmainn, [...] Imirce **agus Lánpháirtíochta** (CTI), don Chiste Slándála Inmheánaí (CSI), agus don ionstraim um bainistiú teorainneacha agus um víosaí (IBTV), mar chuid den Chiste um Bainistiú Comhtháite Teorainneacha (CBCT), agus leagtar síos ann, go háirithe, na rialacha a bhaineann le clársceidealú, faireachán agus meastóireacht, bainistiú agus rialú cistí AE arna gcur chun feidhme faoi bhainistíocht chomhroinnte. Ina theannta sin, is gá cuspóirí an Chiste Slándála Inmheánaí a shonrú sa Rialachán seo, agus forálacha sonracha a leagan síos maidir leis na gníomhaíochtaí a fhéadfar a mhaoiniú le tacaíocht an Chiste seo.

¹⁰ [...] **Rialachán (AE, Euratom) 2018/1046 ó Pharlaimint na hEorpa agus ón gComhairle an 18 Iúil 2018 maidir leis na rialacha airgeadais is infheidhme maidir le buiséad ginearálta an Aontais, lena leasaítear Rialacháin (AE) Uimh. 1296/2013, (AE) Uimh. 1301/2013, (AE) Uimh. 1303/2013, (AE) Uimh. 1304/2013, (AE) Uimh. 1309/2013, (AE) Uimh. 1316/2013, (AE) Uimh. 223/2014, (AE) Uimh. 283/2014, agus Cinneadh Uimh. 541/2014/AE agus lena n-aisghairtear Rialachán (AE, Euratom) Uimh. 966/2012, IO L 193, 30.7.2018**

¹¹ Tagairt iomlán

(39) Ba cheart na cineálacha maoinithe agus na modhanna cur chun feidhme faoin Rialachán seo a roghnú bunaithe ar an gcumas atá acu cuspóirí na ngníomhaíochtaí a bhaint amach agus torthaí a sholáthar agus, go háirithe, na costais a bhaineann le rialú, an t-ualach riaracháin, agus an baol a bhaineann le neamhchomhlíonadh a bhfuiltear ag súil leis á gcur san áireamh. Ba cheart breithniú ar úsáid cnapshuimeanna, rátaí comhréidh agus costas aonaid, chomh maith le maoiniú nach bhfuil nasctha le costais dá dtagraítear in Airteagal 125(1) de [...] **Rialachán (AE, Euratom) 2018/1046** a chur san áireamh.

/(40) I gcomhréir le **Rialachán (AE, Euratom) 2018/1046**, Rialachán (AE, Euratom)

Uimh. 883/2013 ó Pharlaimint na hEorpa agus ón gComhairle¹², Rialachán (Euratom, CE) Uimh. 2988/95 ón gComhairle¹³, Rialachán (Euratom, CE) Uimh. 2185/96 ón gComhairle¹⁴ agus Rialachán (AE) 2017/1939 ón gComhairle¹⁵, déanfar leasanna airgeadais an Aontais a chosaint trí bhearta comhréireacha, lena n-áirítear trí neamhrialtachtaí, [...] **lena n-áirítear** calaois, a chosc, a bhrath, a cheartú agus a fhiosrú, cistí a cailleadh, a íocadh go mícheart nó a úsáideadh go mícheart a ghnóthú agus, i gcás inarb iomchuí, smachtbhannaí riaracháin a fhorchur. Go háirithe, i gcomhréir le Rialachán (AE, Euratom) Uimh. 833/2013 agus Rialachán (Euratom, CE) Uimh. 2185/96 féadfaidh an Oifig Eorpach Frith-Chalaoise (OLAF) imscrúduithe riaracháin a dhéanamh, lena n-áirítear seiceálacha agus cigireachtaí ar an láthair, d'fhonn a shuí ar tharla calaois, éilliú nó aon chionta coiriúla eile a dhéanann difear do leasanna airgeadais an Aontais. I gcomhréir le Rialachán (AE) 2017/1939, féadfaidh Oifig an Ionchúisitheora Phoiblí Eorpaigh ("**OIPE**") **cionta [...] i gcoinne leasanna airgeadais** an Aontais a fhiosrú agus a ionchúiseamh mar a fhoráiltear i dTreoir (AE) 2017/1371 ó Pharlaimint na hEorpa agus ón gComhairle¹⁶. I gcomhréir le **Rialachán (AE, Euratom) 2018/1046**[...], ní mór d'aon duine nó d'aon eintiteas a fhaigheann cistí ón Aontas comhoibriú go hiomlán i gcosaint leasanna airgeadais an Aontais agus na cearta agus an rochtain is gá a thabhairt don Choimisiún, do OLAF, do OIPE, **i dtaca leis na Ballstáit sin a bhíonn rannpháirteach i gcomhar feabhsaithe de bhun Rialachán (AE) 2017/1939**, agus do Chúirt Iniúchóirí na hEorpa (CIE) agus ní mór dó a áirithiú go dtabharfaidh aon tríú páirtithe a bheidh páirteach i gcur chun feidhme cistí de chuid an Aontais cearta coibhéiseacha./

¹² Rialachán (AE, Euratom) Uimh. 883/2013 ó Pharlaimint na hEorpa agus ón gComhairle an 11 Meán Fómhair 2013 maidir le himscrúduithe arna ndéanamh ag an Oifig Eorpach Frith-Chalaoise (OLAF) agus lena n-aisghairtear Rialachán (CE) Uimh. 1073/1999 ó Pharlaimint na hEorpa agus ón gComhairle agus Rialachán (Euratom) Uimh. 1074/1999 ón gComhairle (IO L 248, 18.9.2013, lch. 1).

¹³ Rialachán (Euratom, CE) Uimh. 2988/95 an 18 Nollaig 1995 ón gComhairle maidir le leasanna airgeadais na gComhphobal Eorpach a chosaint (IO L 312, 23.12.95, lch.1).

¹⁴ Rialachán (Euratom, CE) Uimh. 2185/96 ón gComhairle an 11 Samhain 1996 maidir le seiceálacha agus cigireachtaí ar an láthair arna ndéanamh ag an gCoimisiún chun leasanna airgeadais na gComhphobal Eorpach a chosaint i gcoinne na calaoise agus neamhrialtachtaí eile (IO L 292, 15.11.1996, lch. 2).

¹⁵ Rialachán (AE) 2017/1939 ón gComhairle an 12 Deireadh Fómhair 2017 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ('OIPE') (IO L 283, 31.10.2017, lch. 1).

¹⁶ Treoir (AE) 2017/1371 ó Pharlaimint na hEorpa agus ón gComhairle an 5 Iúil 2017 maidir leis an gcomhrac in aghaidh na calaoise ar leasanna airgeadais an Aontais trí bhithin an dlí choiriúil (IO L 198, 28.7.2017, lch. 29).

- (41) Tá feidhm ag rialacha airgeadais cothrománacha a ghlac Parlaimint na hEorpa agus an Chomhairle ar bhonn Airteagal 322 den Chonradh ar Fheidhmiú an Aontais Eorpaigh maidir leis an Rialachán seo. Leagtar síos na rialacha sin leis an Rialachán Airgeadais agus cinntear leo go háirithe an nós imeachta maidir leis an mbuiséad a bhunú agus a chur chun feidhme trí dheontais, trí sholáthar, trí dhuaiséanna, trí chur chun feidhme indéireach, agus déantar foráil iontu i gcomhair seiceálacha ar fhreagracht gníomhaithe airgeadais. [Chomh maith leis sin, baineann rialacha a glacadh ar bhonn Airteagal 322 CFAE le cosaint bhuiséad an Aontais i gcás easnaimh ghinearálaithe maidir leis an smacht reachta sna Ballstáit, de bhrí go bhfuil urraim don smacht reachta mar réamhchoinníoll bunriachtanach maidir le bainistíocht fhónta airgeadais agus le cistiú éifeachtach AE.]
- (42) De bhun Airteagal 94 de Chinneadh 2013/755/AE ón gComhairle¹⁷, tá daoine agus eintitis atá lonnaithe i dtíortha agus críocha thar lear incháilithe do chistiú faoi réir rialacha agus chuspóirí na hionstraime agus faoi réir aon socrúithe féideartha is infheidhme maidir leis an mBallstát lena mbaineann an tír nó an chríoch ábhartha thar lear.
- (43) De bhun Airteagal 349 de CFAE agus i gcomhréir leis an Teachtaireacht ón gCoimisiún "Comhpháirtíocht straitéiseach neartaithe athnuaite leis na réigiúin is forimeallaí in AE"¹⁸ arna formhuiniú ag an gComhairle ina conclúid an 12 Aibreán 2018, ba cheart do na Ballstáit ábhartha a áirithiú go dtabharfar aghaidh ina gcláir ar bhagairtí atá ag teacht chun cinn, ar bagairtí iad nach mór do na réigiúin fhorimeallacha dul i ngleic leo. Tacaítear leis na Ballstáit sin sa Chiste seo trí acmhainní leordhóthanacha a chur ar fáil chun cuidiú leis na réigiúin sin de réir mar is iomchuí.

¹⁷ Cinneadh 2013/755/AE ón gComhairle an 25 Samhain 2013 maidir le comhlachas na dtíortha agus na gcríoch thar lear leis an Aontas Eorpach (an Cinneadh maidir le Comhlachas Thar Lear) (IO L 344, 19.12.2013, lch. 1).

¹⁸ COM(2017) 623 final.

- (44) De bhun mhír 22 agus 23 den Chomhaontú Idirinstitiúideach maidir le Reachtóireacht Níos Fearr an 13 Aibreán 2016¹⁹, is gá an Ciste seo a mheas ar bhonn faisnéis arna bailiú trí cheanglais faireacháin ar leith, agus san am céanna rórialáil agus ualach riaracháin á seachaint, go háirithe i leith na mBallstát. Féadfaidh táscairí intomhaiste a bheith san áireamh sna ceanglais sin, i gcás inarb iomchuí, mar bhonn chun éifeachtaí an Chiste ar an talamh a mheas. Chun a bhfuil gnóthaithe ag an gCiste a thomhas, ba cheart táscairí agus spriocanna gaolmhara a bhunú i ndáil le gach cuspóir sonrath den Chiste.
- (44a) Chun críche chur chun feidhme na gclár, d'fhonn cuspóirí an Chiste a bhaint amach, ní mór sonraí pearsanta áirithe de chuid na rannpháirtithe in oibríochtaí arna dtacú leis an gCiste a phróiseáil. Ba cheart na sonraí pearsanta a phróiseáil do na comhtháscairí, maidir le faireachán, meastóireacht, rialú agus iniúchóireacht, agus i gcás inarb infheidhme, chun incháilitheacht na rannpháirtithe a chinneadh. Ba cheart sonraí pearsanta a phróiseáil i gcomhréir le Rialachán (AE) Uimh. 2016/679 ó Pharlaimint na hEorpa agus ón gComhairle²⁰.*
- (45) De léiriú ar an tábhacht a bhaineann le dul i ngleic leis an athrú aeráide i gcomhréir le gealltanais an Aontais maidir le Comhaontú Pháras agus Spriocanna Forbartha Inbhuanaithe na Náisiún Aontaithe a chur chun feidhme, rannchuideoidh an Ciste seo le gníomhaíochtaí aeráide príomhshrutha agus le sprioc fhoriomlán a bhaint amach, is é sin go n-úsáidfear [25%] den chaiteachas i mbuiséad AE chun tacú le cuspóirí aeráide. Déanfar gníomhaíochtaí ábhartha a shainaithint nuair a bheidh an Ciste á ullmhú agus á chur chun feidhme, agus déanfar iad a athmheas i gcomhthéacs na meastóireachtaí ábhartha agus na bpróiseas athbhreithnithe.
- (46) Trí na táscairí sin agus tríd an tuairisciú airgeadais, ba cheart don Choimisiún agus do na Ballstáit faireachán a dhéanamh ar chur chun feidhme an Chiste, i gcomhréir le forálacha ábhartha Rialachán (AE) Uimh. X [Rialachán na bhForálacha Coiteanna] agus an Rialacháin seo.

¹⁹ Comhaontú Idirinstitiúideach idir Parlaimint na hEorpa, Comhairle an Aontais Eorpaigh agus an Coimisiún Eorpach maidir le Reachtóireacht Níos Fearr an 13 Aibreán 2016; IO L 123, 12.5.2016, lch. 1-14.

²⁰ **Rialachán (AE) 2016/679 ó Pharlaimint na hEorpa agus ón gComhairle an 27 Aibreán 2016 maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin, agus lena n-aisghairtear Treoir 95/46/CE (IO L 119, 4.5.2016, lch. 1).**

- (47) Chun gnéithe neamhriachtanacha sa Rialachán seo a fhorlíonadh agus a leasú ba cheart an chumhacht chun gníomhartha a ghlacadh i gcomhréir le hAirteagal 290 CFAE a tharmligean chuig an gCoimisiún maidir leis an liosta gníomhaíochtaí atá incháilithe le haghaidh cómhaoiniú níos airde mar a liostaítear in Iarscríbhinn IV, le tacaíocht oibriúcháin agus chun tuilleadh forbartha a dhéanamh ar an gcreat faireacháin agus meastóireachta. Tá sé tábhachtach, go háirithe, go rachaidh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail atá leagtha síos sa Chomhaontú Idirinstitiúideach maidir le Reachtóireacht Níos Fearr an 13 Aibreán 2016.
- (48) Chun coinníollacha aonfhoirmeacha a áirithiú maidir leis an Rialachán seo a chur chun feidhme, ba cheart cumhachtaí cur chun feidhme a thabhairt don Choimisiún. Ba cheart na cumhachtaí cur chun feidhme sin a fheidhmiú i gcomhréir le Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún²¹. Ba cheart úsáid a bhaint as an nós imeachta scrúdúcháin chun gníomhartha a chur chun feidhme ina leagtar síos oibleagáidí coiteanna ar Bhallstáit, go háirithe maidir le faisnéis a sholáthar don Choimisiún [...].
- (49) I gcomhréir le hAirteagal 1 agus le hAirteagal 2 de Phrótocal (Uimh. 22) maidir le seasamh na Danmhairge, atá i gceangal le CAE agus le CFAE, níl an Danmhairg rannpháirteach i nglacadh an Rialacháin seo agus níl sí faoi cheangal aige ná faoi réir a chur i bhfeidhm.

²¹ IO L 55, 28.2.2011, lch. 13.

(50) I gcomhréir le hAirteagal 3 de Phrótacal Uimh. 21 maidir le seasamh na Ríochta Aontaithe agus na hÉireann i dtaca leis an limistéar saoirse, slándála agus ceartais, a ghabhann leis an *gConradh ar an Aontas Eorpach* [...] agus leis an *gConradh ar Fheidhmiú an Aontais Eorpaigh* [...], tá curtha in iúl ag Éirinn gur mian léi a bheith rannpháirteach i nglacadh agus i gcur i bhfeidhm an Rialacháin seo [...].

[(50a) I gcomhréir le hAirteagal 1 agus 2 de Phrótacal Uimh. 21 maidir le seasamh na Ríochta Aontaithe agus na hÉireann i dtaca leis an limistéar saoirse, slándála agus ceartais, a ghabhann leis an gConradh ar an Aontas Eorpach agus leis an gConradh ar Fheidhmiú an Aontais Eorpaigh, agus gan dochar d'Airteagal 4 den Phrótacal sin, níl an Ríocht Aontaithe rannpháirteach i nglacadh an Rialacháin seo agus níl sí faoi cheangal aige ná faoi réir a chur i bhfeidhm.]

(51) Is iomchuí tréimhse chur i bhfeidhm an Rialacháin seo a ailíniú le tréimhse chur i bhfeidhm Rialachán (AE, Euratom) X ón gComhairle lena leagtar síos an creat airgeadais ilbhliantúil²²,

²² Rialachán ón gComhairle (AE, Euratom) Uimh XXX.

TAR ÉIS AN RIALACHÁN SEO A GHLACADH:

CAIBIDIL I

FORÁLACHA GINEARÁLTA

Airteagal 1

Ábhar

1. Leis an Rialachán seo bunaítear an Ciste Slándála Inmheánaí ("an Ciste").
- /2. Leagtar síos leis cuspóirí an Chiste, an buiséad don tréimhse 2021-2027, na foirmeacha cistiúcháin ón Aontas agus na rialacha lena bhforáiltear maidir leis an gcistiú sin./

Airteagal 2

Sainmhínithe

Chun críocha an Rialacháin seo, beidh feidhm ag na sainmhínithe seo a leanas:

- (a) ciallaíonn 'oibríocht mheasctha' gníomhaíochtaí a fhaigheann tacaíocht ó bhuiséad an Aontais, lena n-áirítear laistigh de shaoráidí measctha de bhun Airteagal 2(6) de **Rialachán (AE, Euratom) 2018/1046 ó Pharlaimint na hEorpa agus ón gComhairle** [...], lena gcomhcheanglaítear foirmeacha neamh-in-aisíochta tacaíochta agus/nó ionstraimí airgeadais ó bhuiséad an Aontais d'fhoirmeacha in-aisíochta tacaíochta ó institiúidí forbartha nó institiúidí airgeadais poiblí eile, agus ó institiúidí airgeadais tráchtála agus infheisteoirí;

- (b) ciallaíonn "cosc na coireachta" gach beart atá beartaithe chun laghdú a dhéanamh ar choireacht agus ar mhothúchán neamhshláine na saoránach nó chun rannchuidiú ar dhóigh eile le laghdú a dhéanamh orthu sin, mar a thagraítear dóibh in Airteagal 2(2) de Chinneadh 2009/902/CGB ón gComhairle²³;
- (c) ciallaíonn "bonneagar criticiúil" sócmhainn, líonra, córas nó cuid de chóras atá bunriachtanach chun feidhmeanna sochaíocha ríthábhachtacha, sláinte, sábháilteacht, slándáil, leas eacnamaíoch nó sóisialta na ndaoine a chothabháil, agus a mbeadh tionchar suntasach ag a bhriseadh, a shárú nó a scriosadh i mBallstát nó san Aontas mar thoradh ar an mainneachtain na feidhmeanna sin a choinneáil;
- (d) ciallaíonn 'cibearchoireacht' coireanna cibearbhunaithe, is é sin le rá coireanna nach féidir a dhéanamh ach amháin trí fheistis agus córais na teicneolaíochta faisnéise agus cumarsáide (TFC) a úsáid, i gcás inarb é atá sna feistis agus sna córais na huirlisí lena ndéantar an choir nó inarb atá iontu príomhspríocanna na coire; agus coireanna cibearchumasaithe, is é sin le rá coireanna traidisiúnta, amhail teacht i dtír gnéasach ar leanaí, ar féidir a scála agus a réimse a mhéadú trí úsáid a bhaint as ríomhairí, líonraí ríomhaireachta nó foirmeacha eile TFC;
- (e) 'Ciallaíonn [...] gníomhaíocht oibríochtúil thimthriall beartais an Aontais [...] gníomhaíocht [...] a dhéantar faoi chuimsiú *Thimthriall Beartais an Aontais um choireacht eagraithe thromchúiseach idirnáisiúnta, arb éard atá ann tionscnamh faisnéisbhunaithe ildisciplíneach. Is é is aidhm dó na bagairtí coireachta eagraithe tromchúisí is tábhachtaí ar an Aontas a chomhrac tríd an gcomhar idir na Ballstáit, institiúidí an Aontais, na gníomhaireachtaí, agus i gcás inarb ábhartha tríú tíortha agus eagraíochtaí, a spreagadh* [...]'²⁴ [...];

²³ Cinneadh 2009/902/CGB an 30 Samhain 2009 lena mbunaítear an Líonra Eorpach um Chosc na Coireachta (EUCPN) agus lena n-aisghairtear Cinneadh 2001/427/CGB (IO L 321, 8.12.2009, lch. 44).

²⁴ [...]

- (f) [...]
- (g) ciallaíonn "malartú faisnéise [...]" bealach slán ina ndéantar bailiú, stóráil, próiseáil, anailisiú agus malartú ar fhaisnéis atá ábhartha do na húdaráis dá dtagraítear in Airteagal 87 **den Chonradh ar Fheidhmiú an Aontais Eorpaigh** (CFAE) agus do Europol maidir le cosc, brath, imscrúdú agus ionchúiseamh cionta coiriúla, go háirithe coireacht eagraithe trasteorann **agus sceimhlitheoireacht**;
- (h) ciallaíonn 'comhar breithiúnach' comhar breithiúnach maidir le hábhair choiriúla;
- (i) [...]^{25 26}
- (j) ciallaíonn 'coireacht eagraithe' iompar inphionóis a bhaineann le rannpháirtíocht in eagraíocht choiriúil, mar a shainmhínítear i gCinneadh Réime 2008/841/CGB ón gComhairle²⁷;

²⁵ [...]

²⁶ [...]

²⁷ Cinneadh Réime 2008/841/CGB ón gComhairle an 24 Deireadh Fómhair 2008 maidir leis an gcomhrac i gcoinne na coireachta eagraithe (IO L 300, 11.11.2008, lch. 42).

- (k) ciallaíonn 'ullmhacht' aon bheart arb aidhm dó na rioscaí a bhaineann le hionsaithe féideartha sceimhlitheoireachta nó le teagmhais eile a bhaineann leis an tslándáil a chosc nó a laghdú;
- (l) ciallaíonn 'sásra meastóireachta agus faireacháin Schengen' fíorú ar chur i bhfeidhm ceart *acquis* Schengen mar a leagtar síos i Rialachán (AE) Uimh. 1053/2013 ón gComhairle²⁸, lena n-áirítear i réimse an chomhair póilíneachta;
- (m) cumhdaítear le 'dul i ngleic leis an éilliú' na réimsí go léir a shonraítear i Coinbhinsiún na Náisiún Aontaithe in aghaidh an éillithe, lena n-áirítear bearta coisctheacha, coiriúlaithe agus forfheidhmithe dlí, comhar idirnáisiúnta, aisghabháil sócmhainní, cúnaimh teicniúil agus malartú faisnéise;
- (n) ciallaíonn "sceimhlitheoireacht" aon cheann de na gníomhartha intinniúla nó na cionta mar a shainmhínítear i dTreoir (AE) 2017/541 ó Pharlaimint na hEorpa agus ón gComhairle [...] ²⁹.
- (o) ***ciallaíonn "staid éigeandála" aon teagmhas a bhaineann leis an tslándáil nó aon bhagairt nua a thiocthadh chun cinn agus a bhfuil, nó a bhféadfadh sé go mbeadh, tionchar díobhálach suntasach aige ar shlándáil na ndaoine i gceann amháin nó níos mó de na Ballstáit.***
- (p) ***Is é atá in 'airgead taispeána' fíorairgead tirim a thaispeántar mar chruthú ar leachtacht agus sócmhainneacht d'amhrastaigh nó do dhaoine eile a bhfuil faisnéis acu maidir le hinfhaighteacht nó seachadadh nó a ghníomhaíonn mar idirghabhálaithe, d'fhonn bréagcheannach a dhéanamh ar mhaithe le hamhrastaigh a ghabháil, ionaid táirgeachta neamhdhleathacha a shainnithint nó d'fhonn grúpa coireachta eagraithe a scor.***

²⁸ ***Rialachán (AE) Uimh. 1053/2013 ón gComhairle an 7 Deireadh Fómhair 2013 lena mbunaítear sásra meastóireachta agus faireacháin chun cur i bhfeidhm *acquis* Schengen a fhíorú agus lena n-aisghairtear an Cinneadh ón gCoiste Feidhmiúcháin an 16 Meán Fómhair 1998 lena mbunaítear Buanchoiste um measúnú agus cur chun feidhme Schengen (IO L 295, 6.11.2013, lch. 27).***

²⁹ Treoir (AE) 2017/741 maidir leis an sceimhlitheoireacht a chomhrac, a chuirtear in ionad Chinneadh Réime 2002/475/CGB ón gComhairle agus lena leasaítear Cinneadh 2005/671/CGB ón gComhairle (IO L 88, 31.3.2017, lch. 6).

Airteagal 3

Cuspóirí an Chiste

1. Is é cuspóir beartais an Chiste cuidiú le hardleibhéal slándála san Aontas a áirithiú, go háirithe trí ***dhul i ngleic leis*** an sceimhlitheoireacht agus an radacú, leis an gcoireacht thromchúiseach agus an chibearchoireacht agus iad a chosc, ***trí bhainistiú éifeachtach ar rioscaí agus géarchéimeanna slándála***, agus trí chuidiú agus cosaint a thabhairt d'íospartaigh na coireachta.
2. Faoin gcuspóir beartais a leagtar amach i mír 1, leis an gCiste rannchuideofar leis na cuspóirí sonracha seo a leanas:
 - (a) [...] ***feabhas*** a chur ar an malartú faisnéise idir údaráis forfheidhmithe dlí [...] agus údaráis inniúla eile agus comhlachtaí ábhartha eile de chuid an Aontais agus laistigh díobh [...] mar aon le tríú tíortha agus le heagraíochtaí idirnáisiúnta, ***agus feabhas a chur ar acmhainneachtaí gaolmhara na mBallstát***;
 - (b) oibríochtaí comhpháirteacha trasteorann idir údaráis forfheidhmithe dlí an Aontais agus údaráis inniúla eile agus laistigh díobh a ghéarú i dtaca le [...] ***gach cineál coireachta, go háirithe an sceimhlitheoireacht agus*** an choireacht thromchúiseach eagraithe a mbíonn gné thrasteorann ag baint léi; agus
 - (c) tacú leis an iarracht treisiú leis na cumais i dtaca leis an gcoireacht [...] ***agus*** an sceimhlitheoireacht ***lena n-áirítear*** [...] trí bhíthin comhar méadaithe idir na húdaráis phoiblí [...] ***agus na gníomhaithe ábhartha go léir*** [...].

3. Faoi na cuspóirí sonracha a leagtar amach i mír 2, déanfar an Ciste a chur chun feidhme trí bhíthin na mbeart cur chun feidhme a liostaítear in Iarscríbhinn II.
4. Déanfar gníomhaíochtaí arna gcistiú a chur chun feidhme agus lánurraim á tabhairt do chearta bunúsacha agus do dhínit an duine. Go háirithe, déanfaidh gníomhaíochtaí forálacha na Cairte m Chearta Bunúsacha an Aontais Eorpaigh, dlí cosanta sonraí an Aontais agus an Coinbhinsiún Eorpach chun Cearta an Duine agus Saoirsí Bunúsacha a Chosaint (CECD) a chomhlíonadh. Go háirithe, déanfaidh na Ballstáit, nuair is féidir, agus gníomhaíochtaí á gcur chun feidhme acu, aird ar leith a thabhairt ar chúnamh agus ar chosaint daoine leochaileacha, go háirithe leanaí agus mionaoisigh gan tionlacan.

Airteagal 4

Raon feidhme na tacaíochta

1. Faoi chuimsiú na gcuspóirí dá dtagraítear in Airteagal 3 agus i gcomhréir leis na bearta cur chun feidhme a liostaítear in Iarscríbhinn II, ***tacóidh an Ciste le [...] gníomhaíochtaí den chineál*** a liostaítear in Iarscríbhinn III.
2. Chun cuspóirí an Rialacháin seo a ghnóthú, féadfaidh an Ciste tacú leis na gníomhaíochtaí i gcomhréir leis na tosaíochtaí sin de chuid an Aontais dá dtagraítear in Iarscríbhinn III i dtaca le tríú tíortha agus sna tíortha sin, i gcás inarb iomchuí, i gcomhréir le hAirteagal [...] ***15a***.
- 2a. Is ceadmhach trealamh ilchuspóra agus córais TFC a mhaoinítear as an gCiste seo a úsáid chun cuspóirí na hIonstraimhe le haghaidh tacaíocht airgeadais do bhainistiú teorainneacha agus do víosaí arna bhunú le Rialachán (AE) Uimh. .../ ... [IBTV], ach príomhchuspóir an trealaimh sin agus na gcórais TFC sin a bheith i gcomhréir leis an Rialachán seo agus ar choinníoll go seachnaítear an maoiniú dúbailte.***

3. Ní bheidh na bearta seo a leanas incháilithe:
- (a) gníomhaíochtaí ar an leibhéal náisiúnta atá teoranta don ord poiblí a choinneáil;
 - (b) [...]
 - (c) gníomhaíochtaí a dhéantar chun críche míleata nó cosanta;
 - (d) trealamh arb é rialú custaim [...] is *príomh*chuspóir [...] dó;
 - (e) trealamh comhéigeantach, lena n-áirítear armáin, armlón, pléascáin agus smachtíní círéibe, ach amháin le haghaidh oiliúna;
 - (f) luach saothair agus airgead taispeána³⁰ d'fhaisnéiseoirí lasmuigh de chreat *gníomhaíochta oibríochtúla de chuid thimthriall beartais an Aontais* [...].

Maidir le gníomhaíochtaí neamh-incháilithe dá dtagraítear sa mhír sin féadfar a mheas go bhfuil siad incháilithe i gcás éigeandála.

³⁰ [...]

Airteagal 5

[...]

[...]

CAIBIDIL II

CREAT AIRGEADAIS AGUS CUR CHUN FEIDHME

ROINN 1

FORÁLACHA COMHCHOITEANNA

Airteagal 6

Prionsabail ghinearálta

1. Leis an tacaíocht a chuirfear ar fáil faoin Rialachán seo comhlánófar idirghabhálacha náisiúnta, réigiúnacha agus áitiúla agus leagfar béim ar bhreisluach a chur le cuspóirí an Rialachán seo.
2. Áiritheoidh an Coimisiún agus na Ballstáit go mbeidh an tacaíocht a chuirtear ar fáil faoin Rialachán seo agus a chuireann na Ballstáit ar fáil ag teacht le gníomhaíochtaí, beartais agus le tosaíochtaí ábhartha an Aontais agus go mbeidh sí comhlántach le hionstraimí eile de chuid an Aontais.
3. Déanfar an Ciste a chur chun feidhme faoi bhainistíocht chomhroinnte, dhíreach nó indíreach i gcomhréir le hAirteagal [...] 62(1)(a), (b) agus (c) de **Rialachán (AE, Euratom) 2018/1046** [...].

Airteagal 7

An buiséad

1. Is é [EUR 2 500 000 000] [i bpragsanna reatha] a bheidh san imchlúdach airgeadais do chur chun feidhme an Chiste don tréimhse 2021-2027.

2. Úsáidfean an t-imchlúdach airgeadais mar a leanas:
 - (a) Déanfar [EUR 1 500 000 000] a leithdháileadh ar na cláir a chuirfean chun feidhme faoi bhainistíocht chomhroinnte;
 - (b) Déanfar [EUR 1 000 000 000] a leithdháileadh ar an tsaoráid théamach.

[2a. Áirítear sna méideanna thuas suim thiomanta shuntasach do bhainistiú na himirce seachtraí]³¹.

3. Déanfar suas le 0.84 % den imchlúdach airgeadais a leithdháileadh ar an gcúnamh teicniúil ar thionscnamh ón gCoimisiún chun an Ciste a chur chun feidhme.

Airteagal 8

Forálacha ginearálta maidir le cur i bhfeidhm na saoráide téamaí

1. Déanfar an t-imchlúdach airgeadais dá dtagraítear in Airteagal 7(2)(b) a leithdháileadh ar bhealach solúbtha trí bhíthin na saoráide téamaí trí úsáid a bhaint as bainistíocht chomhroinnte, dhíreach nó indíreach mar a leagtar amach i gclár oibre. Bainfean úsáid as cistiú ón tsaoráid théamach maidir lena comhpháirteanna:
 - (a) gníomhaíochtaí sonracha;
 - ([...]) **b**) Gníomhaíochtaí Aontais; agus
 - ([...]) **c**) cúnamh éigeandála.

Tabharfar tacaíocht don chúnamh teicniúil ar thionscnamh an Choimisiúin as imchlúdach airgeadais na saoráide téamaí.

³¹ *Gné chothrománach de chuid na caibidlíochta maidir le CAI 2021-2027 i éirim sheachtrach na himirce. Is léiriú í an abairt atá idir lúibíní ar an bhfoclaíocht reatha atá sa Bhosca Caibidlíochta; tá sin gan dochar do pé toradh deiridh a bheidh ar an bplé atá ar siúl faoi láthair. Thug líon nach beag de na Ballstáit le fios gurb as an tsaoráid théamach is ceart éirim sheachtrach na himirce a mhaoiniú.*

2. Bainfear úsáid as cistiú ón tsaoráid théamach chun aghaidh a thabhairt ar thosaíochtaí a bhfuil breisluach ard ó thaobh an Aontais ag baint leo nó chun freagairt do riachtanais phráinneacha, i gcomhréir le tosaíochtaí comhaontaithe an Aontais mar a shonraítear in Iarscríbhinn II.
3. Nuair a dheonófar cistiú ón tsaoráid théamach faoi bhainistíocht dhíreach nó indíreach ar na Ballstáit, áiritheofar nach ndéantar difear do thionscadail de thoradh tuairimí réasúnaithe ón gCoimisiún i ndáil le sárú faoi Airteagal 258 [...] CFAE lena gcuirtear dlíthiúlacht agus rialtacht caiteachais nó feidhmíocht tionscadal i mbaol.
4. Nuair a dhéanfar cistiú ón tsaoráid théamach a chur chun feidhme faoi bhainistíocht chomhroinnte, déanfaidh an Coimisiún a mheasúnú, chun críocha Airteagal 18 agus Airteagal 19(2) de Rialachán (AE) Uimh. [Rialachán na bhForálacha Coiteanna] nach ndéantar difear do ghníomhaíochtaí atá beartaithe de thoradh tuairimí réasúnaithe ón gCoimisiún i ndáil le sárú faoi Airteagal 258 CFAE lena gcuirtear dlíthiúlacht agus rialtacht caiteachais nó feidhmíocht tionscadal i mbaol.
5. Cinnfidh an Coimisiún an méid foriomlán a chuirfead ar fáil don tsaoráid théamach faoi leithreasuithe bliantúla bhuiséad an Aontais. Glacfaidh an Coimisiún **trí bhíthin gníomhartha cur chun feidhme** na cinntí maoiniúcháin dá dtagraítear in Airteagal [110] [...] de **Rialachán (AE, Euratom) 2018/1046** [...] don tsaoráid théamach ina sainaitheofar na cuspóirí agus na gníomhaíochtaí a mbeidh tacaíocht le tabhairt dóibh agus ina shonrófar na méideanna do gach ceann dá chomhpháirteanna dá dtagraítear i mír 1. Leagfar amach i gcinntí maoiniúcháin, i gcás inarb infheidhme, an méid foriomlán arna chur i leataobh le haghaidh oibríochtaí measctha. **Déanfar na gníomhartha cur chun feidhme sin a ghlacadh i gcomhréir leis [...] an nós imeachta scrúdúcháin dá dtagraítear in Airteagal 29(2).**
6. Tar éis dó an cinneadh maoiniúcháin a ghlacadh dá dtagraítear i mír 5 [...], féadfaidh an Coimisiún leasú a dhéanamh, dá réir sin, ar na cláir a chuirtear chun feidhme faoi bhainistíocht chomhroinnte.
7. Féadfaidh cinntí bliantúla nó ilbhliantúla a bheith sna cinntí maoiniúcháin sin agus féadfar ceann amháin nó níos mó de chomhpháirteanna na saoráide téamaí a chumhdach leo.

ROINN 2

TACAÍOCHT AGUS CUR CHUN FEIDHME FAOI BHAINISTÍOCHT CHOMHROINNTE

Airteagal 9

Raon feidhme

1. Tá feidhm ag an roinn seo maidir leis an gcuid den imchlúdach airgeadais dá dtagraítear in Airteagal 7(2)(a) agus leis na hacmhainní breise atá le cur chun feidhme faoi bhainistíocht chomhroinnte de réir chinneadh an Choimisiúin maidir leis an tsaoráid théamach dá dtagraítear in Airteagal 8.
2. Déanfar tacaíocht faoin roinn seo a chur chun feidhme faoi bhainistíocht chomhroinnte i gcomhréir le hAirteagal 63 de **Rialachán (AE, Euratom) 2018/1046** [...] agus [...] Rialachán (AE) Uimh. [Rialachán na bhForálacha Coiteanna].

Airteagal 10

Acmhainní buiséadacha

[...]I. Leithdháilfear na hacmhainní dá dtagraítear in Airteagal 7(2)(a) ar na cláir náisiúnta a chuirfidh na Ballstáit chun feidhme faoi bhainistíocht chomhroinnte ('na cláir') go táscach mar a leanas:

- (a) [EUR 1 250 000 000] ar na Ballstáit i gcomhréir leis na critéir in [Iarscríbhinn I];
- (b) [EUR 250 000 000] ar na Ballstáit le haghaidh choigeartú na leithdháiltí ar na cláir dá dtagraítear in Airteagal 13(1).

[...]

Airteagal 11

Rátaí cómhaoinithe

1. Ní sháróidh an ranníocaíocht ó bhuiséad an Aontais 75 % de chaiteachas incháilithe iomlán tionscadail.
 2. Féadfar an ranníocaíocht ó bhuiséad an Aontais a mhéadú go 90 % den chaiteachas incháilithe iomlán ar thionscadail a chuirfear chun feidhme faoi réir gníomhaíochtaí sonracha.
 3. Féadfar an ranníocaíocht ó bhuiséad an Aontais a mhéadú go 90 % den chaiteachas incháilithe iomlán ar na gníomhaíochtaí a liostaítear in Iarscríbhinn IV.
 4. Féadfar an ranníocaíocht ó bhuiséad an Aontais a mhéadú go 100 % den chaiteachas incháilithe iomlán ar thacaíocht oibriúcháin.
 5. Féadfar an ranníocaíocht ó bhuiséad an Aontais a mhéadú go 100 % den chaiteachas incháilithe iomlán ar chúnamh éigeandála.
- 5a. *Laistigh de na teorainneacha a leagtar amach in Airteagal 30[...] (5[...])(v[...]) de Rialachán (AE) Uimh. [Rialachán na bhForálacha Coiteanna], is ceadmhach cúnamh teicniúil, dar luach suas le 100 % de rannchuidiú an Aontais, a thabhairt do na Ballstáit.***
6. Sa chinneadh ón gCoimisiún lena bhformheasfar clár, socrófar an ráta cómhaoinithe agus uasmhéid na tacaíochta ón gCiste seo le haghaidh na gcineálacha gníomhaíochta dá dtagraítear i mír 1 go mír 5.
 7. I dtaca le ***gach cineál gníomhaíochta*** [...], leagfar amach sa chinneadh ón gCoimisiún ***ina bhformheasfar clár*** cé acu a chuirfear nó nach gcuirfear i bhfeidhm an ráta cómhaoiniúcháin a ghabhann le ***cineál na gníomhaíochta*** [...] ar ***aon cheann díbh seo a leanas***:
 - (a) an ranníocaíocht iomlán, lena n-áirítear ranníocaíochtaí poiblí agus príobháideacha; [...]
 - (b) an ranníocaíocht phoiblí amháin.

Airteagal 12

Na cláir

1. Áiritheoidh gach Ballstát go bhfuil na tosaíochtaí a dtugtar aghaidh orthu sna cláir aige comhsheasmhach le tosaíochtaí agus dúshlán an Aontais i réimse na slándála agus go bhfreagraíonn siad dóibh, agus go bhfuil siad i gcomhréir go hiomlán le *acquis* ábhartha an Aontais agus le tosaíochtaí comhaontaithe an Aontais. Agus na tosaíochtaí ina gcláir á sainaithint acu áiritheoidh na Ballstáit go dtabharfar aghaidh go leordhóthanach ar na bearta cur chun feidhme a leagtar amach in Iarscríbhinn II.
2. ***Ag luathstaid sa chlársceidealú***, rachaidh a[...]n Coimisiún ***i gcomhairle le [...]*** Gníomhaireacht an Aontais Eorpaigh i ndáil le Comhar i bhForfheidhmiú an Dlí (Europol), Gníomhaireacht an Aontais Eorpaigh um Oiliúint i bhForfheidhmiú an Dlí (CEPOL) agus leis an Lárionad Faireacháin Eorpach um Dhrugaí agus um Andúil i nDrugáí (EMCDDA) [...], i dtaca lena réimsí inniúlachta.
 - 2a. [...] ***D'fhonn an forluí a sheachaint***, déanfaidh na Ballstáit [...] Europol, [...] EMCDDA nó CEPOL [...] ***a chur ar an eolas i gcás ina n-áiríonn siad ina gcuid clár féin gníomhaíochtaí oibríochtúla de chuid thimthriall beartais an Aontais nó gníomhaíochtaí eile a bhaineann le réimsí inniúlachta na ngníomhaireachtaí thuasluaite [...]***.
3. Féadfaidh an Coimisiún ról a thabhairt do [...]Europol[...], [...]CEPOL[...] agus [...]EMCDDA[...] i gcás inarb iomchuí san fhaireachán agus sa mheastóireacht a shonraítear i Roinn 5 go háirithe d'fhonn a áirithiú go gcomhlíonfaidh na gníomhaíochtaí a chuirfear chun feidhme le tacaíocht ón gCiste *acquis* ábhartha agus tosaíochtaí comhaontaithe an Aontais.

4. Féadfar uasmhéid [...] **50 %** de leithdháileadh cláir Ballstáit a úsáid chun trealamh a cheannach, le haghaidh modhanna iompair nó chun saoráidí a bhfuil ábharthacht slándála ag baint leo a thógáil. Féadfar an t-uasmhéid seo a shárú i gcásanna cuí-réasúnaithe agus sna cásanna sin amháin. ***Ní bheidh feidhm ag an uasteorainn sin maidir le trealamh TFC.***
5. Tabharfaidh na Ballstáit tosaíocht don méid seo a leanas ina gcláir:
 - (a) tosaíochtaí agus *acquis* an Aontais i réimse na slándála, go háirithe, malartú faisnéise agus idir-inoibritheacht córais teicneolaíochta faisnéise ***cumarsáide***;
 - (b) moltaí a bhfuil impleachtaí airgeadais ag baint leo a dhéantar faoi chreat Rialachán (AE) Uimh. 1053/2013 [...];
 - (c) easnaimh thírshonracha a bhfuil impleachtaí airgeadais ag baint leo a shainaitheann faoi chreat riachtanais oiliúna amháil moltaí an tSeimeastair Eorpaigh i réimse an éillithe.
6. I gcás inarb iomchuí, déanfar an clár a leasú chun na moltaí dá dtagraítear i mír 5 a chur san áireamh. Ag brath ar thionchar an choigeartaithe, féadfaidh an Coimisiún an clár athbhreithnithe a fhormheas.
7. [...] ***Is ceadmhach do*** na Ballstáit na gníomhaíochtaí a liostaítear in Iarscríbhinn IV [...] a shaothrú. Chun aghaidh a thabhairt ar imthosca gan choinne nó imthosca nua nó chun cur chun feidhme éifeachtach cistiúcháin a áirithiú, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 28 chun leasú a dhéanamh ar Iarscríbhinn IV.
8. Nuair a chinnfidh Ballstát tionscadail ***nua*** a chur chun feidhme i gcomhar le tríú tír nó sa tríú tír féin, le tacaíocht ón gCiste, [...] cuirfidh an Ballstát lena mbaineann [...] an Coimisiún ***ar an eolas*** sula [...] ***bhformheastar*** an tionscadal.
9. Bunófar clársceidealú dá dtagraítear in Airteagal 17(5) de Rialachán (AE) Uimh. [Rialachán na bhForálacha Coiteanna] ar na cineálacha idirghabhála a leagtar amach i dTábla 2 [...] d'Iarscríbhinn VI.

Airteagal 13

Athbhreithniú meántearma

1. In 2024, déanfaidh an Coimisiún an méid breise dá dtagraítear in Airteagal 10(1)(b) i gcomhréir leis na critéir dá dtagraítear i mír 2 d'Iarscríbhinn I a leithdháileadh ar chlár na mBallstát lena mbaineann. Beidh feidhm ag an gcistiú don tréimhse ón mbliain féilire 2025 amach.
2. [...]
3. Amhail ó 2025, i gcás inarb iomchuí sin, cuirfear san áireamh i leithdháileadh na gcistí ón tsaoráid théamach an dul chun cinn a dhéanfar maidir le garspriocanna an chreata feidhmíochta dá dtagraítear in Airteagal 12 de Rialachán (AE) Uimh. [Rialachán na bhForálacha Coiteanna] a ghnóthú agus na laigí cur chun feidhme a sainaitníodh.

Airteagal 14

Gníomhaíochtaí sonracha

1. Is é atá i ngníomhaíochtaí sonracha tionscadail trasnáisiúnta nó náisiúnta i gcomhréir le cuspóirí an Rialacháin seo a d'fhéadfadh Ballstát amháin, roinnt Ballstát nó na Ballstáit uile leithdháileadh breise a fháil ina leith dá gclár.
2. Féadfaidh Ballstáit, de bhreis ar a leithdháileadh arna ríomh i gcomhréir le hAirteagal 10(1), cistiú a fháil do ghníomhaíochtaí sonracha, ar choinníoll go bhfuil sé curtha in iúl mar sin sa chlár agus go n-úsáidfear é chun rannchuidiú le cur chun feidhme chuspóirí an Rialacháin seo, lena n-áirítear bagairtí nua atá ag teacht chun cinn.

3. Ní úsáidfear an cistiú le haghaidh gníomhaíochtaí eile sa chlár ach amháin i gcúinsí a bhfuil údar cuí leo agus má dhéanann an Coimisiún iad a fhorpheas trí bhíthin leasú ar an gclár oibre.

Airteagal 15

Tacaíocht oibriúcháin

1. Tá tacaíocht oibriúcháin ina cuid de leithdháileadh Ballstáit is féidir a úsáid mar thacaíocht leis na húdaráis phoiblí atá freagrach as na cúraimí agus na seirbhísí, ar cuid de sheirbhís phoiblí don Aontas iad, a bhaint amach.
2. Féadfaidh Ballstát suas le [...] **30** % den mhéid a leithdháilfear faoin gCiste ar a chlár oibre a úsáid chun tacaíocht oibriúcháin a mhaoiniú do na húdaráis phoiblí atá freagrach as na cúraimí agus na seirbhísí, ar seirbhís phoiblí don Aontas iad, a bhaint amach.
3. Comhlíonfaidh Ballstát a bhaineann úsáid as tacaíocht oibriúcháin *acquis* an Aontais maidir leis an tslándáil.
4. Léireoidh na Ballstáit sa chlár agus [...] sa tuarascáil [...], dá dtagraítear in Airteagal 26, an t-údar atá le húsáid a bheith á baint as tacaíocht oibriúcháin chun cuspóirí an Rialacháin seo a bhaint amach. Sula ndéanfaidh sé an clár a fhorpheas, déanfaidh an Coimisiún measúnú ar an gcás bonnlíne sna Ballstáit a bhfuil curtha in iúl acu go bhfuil rún acu tacaíocht oibriúcháin a iarraidh, agus an fhaisnéis a chuirfidh na Ballstáit sin ar fáil, mar aon le moltaí ó shásraí rialaithe cáilíochta agus meastóireachta amhail sásra meastóireachta Schengen agus sásraí rialaithe cáilíochta agus meastóireachta eile, a chur san áireamh.
5. Díreofar an tacaíocht oibriúcháin ar chúraimí agus seirbhísí sonracha mar a leagtar síos in Iarscríbhinn VII.
6. Chun aghaidh a thabhairt ar imthosca gan choinne nó imthosca nua nó chun cur chun feidhme éifeachtach cistiúcháin a áirithiú, tabharfar de chumhacht don Choimisiún gníomhartha tarmhligthe a ghlacadh i gcomhréir le hAirteagal 28 chun leasú a dhéanamh ar na cúraimí agus seirbhísí sonracha in Iarscríbhinn VII.

ROINN 3

TACAÍOCHT AGUS CUR CHUN FEIDHME FAOI BHAINISTÍOCHT DHÍREACH AGUS INDÍREACH

Airteagal 15a

Eintitis incháilithe

1. *Féadfaidh na heintitis seo a leanas a bheith incháilithe:*
 - (a) *eintitis dhlítheanacha atá bunaithe in aon cheann de na tíortha seo a leanas:*
 - (i) *Ballstát, nó tír nó críoch thar lear atá bainteach leis an mBallstát sin;*
 - (ii) *tríú tír atá liostaithe sa chlár oibre faoi na coinníollacha a shonraítear ann.*
 - (b) *aon eintiteas dlítheanach a bunaíodh faoi dhlí an Aontais nó aon eagraíocht idirnáisiúnta.*
2. *Níl daoine nádúrtha incháilithe.*
3. *Go heisceachtúil, tá eintitis dhlítheanacha atá bunaithe i dtríú tír incháilithe chun bheith rannpháirteach i gcás ina bhfuil sin riachtanach chun cuspóirí gníomhaíochta ar leith a bhaint amach.*
4. *Eintitis dhlítheanacha atá rannpháirteach i gcuibhreannais ina bhfuil dhá eintiteas neamhspleácha ar a laghad, atá bunaithe i mBallstáit éagsúla nó i dtíortha nó i gcóirí éagsúla thar lear atá bainteach leis na Ballstáit nó leis na tríú tíortha sin, tá siad incháilithe.*

Airteagal 16

Raon feidhme

Cuirfidh an Coimisiún an tacaíocht sin chun feidhme go díreach i gcomhréir le pointe (a) d'Airteagal 62(1) de **Rialachán (AE, Euratom) 2018/1046** [...] nó go hindíreach i gcomhréir le pointe (c) den Airteagal sin.

Airteagal 17

Gníomhaíochtaí Aontais

1. Is é atá i ngníomhaíochtaí Aontais tionscadail thrasnáisiúnta nó tionscadail a bhfuil leas áirithe acu don Aontas i gcomhréir le cuspóirí an Rialacháin seo.
2. Ar thionscnamh ón gCoimisiún, féadfar an Ciste a úsáid chun maoiniú a dhéanamh ar ghníomhaíochtaí Aontais a bhaineann le cuspóirí an Rialacháin seo dá dtagraítear in Airteagal 3 agus i gcomhréir le hIarscríbhinn III.
3. Féadfar cistiú a sholáthar le gníomhaíochtaí Aontais, agus féadfaidh an cistiú sin a bheith in aon cheann de na foirmeacha a leagtar síos i **Rialachán (AE, Euratom) 2018/1046** [...], go háirithe deontais, duaiseanna agus soláthar. Féadfar maoiniú i bhfoirm [...] ionstraimí airgeadais laistigh d'oibríochtaí measctha a sholáthar freisin.
4. Tabharfar agus bainisteofar deontais a chuirfear chun feidhme faoi bhainistíocht dhíreach i gcomhréir le Teideal VIII de **Rialachán (AE, Euratom) 2018/1046** [...].
5. Féadfaidh an coiste meastóireachta a dhéanfaidh measúnú ar na tograí a bheith comhdhéanta de shaineolaithe seachtracha.
6. Le ranníocaíochtaí le sásra árachais fhrithpháirtigh, féadfar an riosca a bhaineann le gnóthú na gcistí atá dlite ag faighteoirí a chumhdach agus measfar gur ráthaíocht leordhóthanach é **faoi Rialachán (AE, Euratom) 2018/1046** [...]. Beidh feidhm ag na forálacha a leagtar síos in [Airteagal X] de Rialachán X [comharba an Rialacháin maidir leis an gCiste Ráthaíochta].

Airteagal 18

Oibríochtaí measctha

Cuirfear oibríochtaí measctha arna gcinneadh faoin gCiste seo chun feidhme i gcomhréir le Rialachán InvestEU³² agus le Teideal X de **Rialachán (AE, Euratom) 2018/1046** [...].

Airteagal 19

Cúnamh teicniúil ar thionscnamh ón gCoimisiún

Leis an gCiste, féadfar tacú le bearta cúnamh theicniúil arna gcur chun feidhme ar thionscnamh ón gCoimisiún, nó thar a cheann. Déanfar na bearta sin a mhaoiniú ar an ráta 100 %.

Airteagal 20

Iniúchtaí

Iniúchtaí ar úsáid na ranníocaíochta ón Aontas arna ndéanamh ag daoine nó eintitis, lena n-áirítear daoine nó eintitis nach bhfuil sainordú acu ó institiúidí nó ó chomhlachtaí de chuid an Aontais, sin é an bonn a bheidh leis an gcinnteacht fhoriomlán de bhun Airteagal 127 de [...] **Rialachán (AE, Euratom) 2018/1046**.

³² Tagairt iomlán.

Faisnéis, cumarsáid agus poiblíocht

1. Tabharfaidh faighteoir cistithe ón Aontas aitheantas d'fhoinse an chistithe ón Aontas agus áiritheoidh sé infheictheacht an chistithe ón Aontas go háirithe nuair a bhíonn na gníomhaíochtaí agus a dtorthaí á bpoibliú trí fhaisnéis spriocdhírthe atá comhleanúnach, éifeachtach agus comhréireach a sholáthar do ghrúpaí éagsúla, lena n-áirítear na meáin agus an pobal, ***seachas i gcás ina bhfuil teorainn leis an bhfaisnéis sin mar gheall ar a nádúr rúnaicmithe nó rúnda, go háirithe i ndáil le slándáil, ord poiblí, imscrúduithe coiriúla agus cosaint sonraí pearsanta de réir an dlí is infheidhme.***
2. Cuirfidh an Coimisiún chun feidhme gníomhaíochtaí faisnéise agus cumarsáide a bhaineann leis an gCiste, agus lena ghníomhaíochtaí agus lena thorthaí. Leis na hacmhainní airgeadais arna leithdháileadh ar an gCiste, rannchuideofar freisin le cumarsáid chorpóraideach faoi thosaíochtaí polaitiúla an Aontais, a fhad a bhaineann siad le cuspóirí an Rialacháin seo.

ROINN 4

TACAÍOCHT AGUS CUR CHUN FEIDHME FAOI BHAINISTÍOCHT CHOMHROINNTE, DHÍREACH AGUS INDÍREACH

Airteagal 22

Cúnamh éigeandála

1. Leis an gCiste, cuirfear cúnamh airgeadais ar fáil chun dul i ngleic le riachtanais phráinneacha shonracha i gcás éigeandála [...];
2. Féadfaidh cúnamh éigeandála a bheith i bhfoirm deontas a bhronnfar go díreach ar ghníomhaireachtaí díláraithe.
3. Féadfar cúnamh éigeandála a leithdháileadh ar chláir na mBallstát de bhreis ar a leithdháileadh arna ríomh i gcomhréir le hAirteagal 10(1) ar choinníoll go mbeidh sé curtha in iúl amhlaidh sa chlár. Ní úsáidfear an cistiú seo le haghaidh gníomhaíochtaí eile sa chlár ach amháin i gcúinsí a bhfuil údar cuí leo agus má dhéanann an Coimisiún iad a fhorpheas trí bhíthin leasú ar an gclár.
4. Tabharfar agus bainistefar deontais a chuirfear chun feidhme faoi bhainistíocht dhíreach i gcomhréir le Teideal VIII de *Rialachán (AE, Euratom) 2018/1046* [...].

Cistiú carnach, comhlántach agus comhcheangailte

1. Féadfaidh gníomhaíocht a fuair ranníocaíocht faoin gCiste ranníocaíocht a fháil freisin ó aon chlár eile de chuid an Aontais, lena n-áirítear Cistí faoi bhainistíocht chomhroinnte, ar choinníoll nach gcumhdaíonn na ranníocaíochtaí na costais chéanna. Beidh feidhm ag rialacha gach cláir de chuid an Aontais a dhéanann ranníocaíocht, maidir lena ranníocaíocht féin leis an ngníomhaíocht. Ní rachaidh an cistiú carnach thar chostais incháilithe iomlána na gníomhaíochta agus féadfar an tacaíocht ó na cláir éagsúla de chuid an Aontais a ríomh ar bhonn *pro rata* i gcomhréir leis na doiciméid lena leagtar amach na coinníollacha maidir le tacaíocht.
2. Seo a leanas gníomhaíochtaí a mbronntar dearbhú séala barr feabhais orthu, nó a chomhlíonann na coinníollacha carnacha comparáideacha:
 - (a) rinneadh measúnú orthu i nglao ar thograí faoin gCiste;
 - (b) comhlíonann siad na ceanglais íosta cáilíochta a bhaineann leis an nglao sin ar thograí;
 - (c) ní fhéadfar iad a chistiú faoin nglao sin ar thograí de dheasca srianta buiséadacha.

féadfaidh siad tacaíocht a fháil ó Chiste Forbraíochta Réigiúnaí na hEorpa, ón gCiste Comhtháthaithe, ó Chiste Sóisialta na hEorpa+ nó ón gCiste Eorpach Talmhaíochta um Fhorbairt Tuaithe, i gcomhréir le mír 5 d'Airteagal [67] de Rialachán (AE) X [Rialachán na bhForálacha Coiteanna] agus Airteagal [8] de Rialachán (AE) X [maidir leis an gcomhbheartas talmhaíochta a mhaoiniú, a bhainistiú agus faireachán a dhéanamh air], ar choinníoll go bhfuil gníomhaíochtaí den sórt sin comhleanúnach le cuspóirí an chláir lena mbaineann. Beidh feidhm ag rialacha an Chiste lena gcuirtear tacaíocht ar fáil.

ROINN 5

FAIREACHÁN, TUAIRISCIÚ AGUS MEASTÓIREACHT

Foroinn 1 Forálacha coiteanna

Airteagal 24

Faireachán agus tuairisciú

1. I gcomhréir leis na ceanglais tuairiscithe atá ar an gCoimisiún de bhun Airteagal **41(3)(h)(iii)** [...] de **Rialachán (AE, Euratom) 2018/1046** [...], cuirfidh sé faisnéis maidir le feidhmíocht i láthair Pharlaimint na hEorpa agus na Comhairle i gcomhréir le hIarscríbhinn V.
2. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 28 chun Iarscríbhinn V a leasú d'fhonn na hathruithe riachtanacha a dhéanamh ar an bhfaisnéis faoi fheidhmíocht atá le cur ar fáil do Pharlaimint na hEorpa agus don Chomhairle.
3. Leagtar amach in Iarscríbhinn VIII na táscairí a úsáidfear le tuairisciú a dhéanamh ar dhul chun cinn an Chiste maidir leis na cuspóirí sonracha a leagtar amach in Airteagal 3 a bhaint amach. Maidir le táscairí aschuir, socrófar na bonnlínte ag nialas. Spriocanna carnacha a bheidh sna garspriocanna a shocraítear do 2024 agus sna spriocanna a shocraítear do 2029.
4. Leis an gcóras tuairiscithe feidhmíochta, áiritheofar go mbaileofar na sonraí is gá chun faireachán a dhéanamh ar chur chun feidhme an chláir, go mbaileofar iad ar dhóigh atá éifeachtúil éifeachtach tráthúil. Chuige sin, forchuirfear ceanglais chomhréireacha tuairiscithe ar fhaighteoirí cistí ón Aontas agus, i gcás inarb ábhartha, ar na Ballstáit.

5. Chun a áirithiú go measúnófar go héifeachtach dul chun cinn an Chiste i dtreo bhaint amach a chuspóirí, tabharfar de chumhacht don Choimisiún gníomhartha tarmligthe a ghlacadh, i gcomhréir le hAirteagal 28, chun Iarscríbhinn VIII a leasú chun na táscairí a athbhreithniú agus a chomhlánú i gcás ina measfar gur gá, agus chun an Rialachán seo a fhorlónadh le forálacha maidir le creat faireacháin agus meastóireachta a bhunú, lena n-áirítear faisnéis tionscadail a bheidh le cur ar fáil ag na Ballstáit. ***Ní bheidh feidhm ag aon leasú ar ábhar Iarscríbhinn VIII sa chéad bhliain chuntasaíochta tar éis na bliana ina nglacfar an gníomh tarmligthe.***

Airteagal 25

Meastóireacht

1. Déanfaidh an Coimisiún meastóireacht mheántearma agus meastóireacht shiarghabhálach ar an Rialachán seo, lena n-áirítear na gníomhaíochtaí a chuirtear chun feidhme faoin gCiste seo.
2. Déanfar meastóireacht mheántearma agus meastóireacht shiarghabhálach go tráthúil chun cur leis an bpróiseas cinnteoireachta i gcomhréir leis an amlíne a leagtar amach in Airteagal 40 de Rialachán (AE) Uimh. [Rialachán na bhForálacha Coiteanna].

Foroinn 2 Rialacha maidir le bainistíocht chomhroinnte

Airteagal 26

Athbhreithniú bliantúil ar fheidhmíocht [...]

1. ***Chun críche an athbhreithnithe bhliantúil ar fheidhmíocht dá dtagraítear in Airteagal 36 de Rialachán (AE).../... [Rialachán na bhForálacha Coiteanna], [...] faoin 15 Feabhra 2023 agus faoin dáta céanna gach bliain tar a éis sin suas go dtí 2031 agus an bhliain sin san áireamh, cuirfidh na Ballstáit [...] tuarascáil [...] faoi bhráid an Choimisiúin [...]. Cumhdóidh an tréimhse tuairiscithe an bhliain chuntasaíochta deiridh mar a shainmhínítear sin in Airteagal 2(28) de Rialachán (AE).../... [Rialachán na bhForálacha Coiteanna], roimh an mbliain a thíolacfar an tuarascáil. Cumhdóidh [...] an tuarascáil a thíolacfar [...] ar an 15 Feabhra 2023 an tréimhse ón 1 Eanáir 2021 [...].***
2. Sa [...] tuarascáil, beidh go háirithe faisnéis maidir le:
 - (a) an dul chun cinn maidir le cur chun feidhme an chláir agus maidir le garspriocanna agus spriocanna a bhaint amach agus na sonraí is déanaí mar a cheanglaítear le hAirteagal 37 de Rialachán (AE) Uimh. [Rialachán na bhForálacha Coiteanna] á gcur san áireamh;
 - (b) aon saincheisteanna a dhéanann difear d'fheidhmíocht an chláir agus na gníomhaíochtaí a rinneadh chun dul i ngleic leo;
 - (c) an chomhlántacht idir na gníomhaíochtaí a dtugtar tacaíocht dóibh leis an gCiste agus an tacaíocht a chuirtear ar fáil ó chistí Aontais eile, go háirithe gníomhaíochtaí i dtríú tíortha nó maidir le tríú tíortha;
 - (d) rannchuidiú an chláir le cur chun feidhme *acquis* agus pleananna gníomhaíochta ábhartha an Aontais;

[...]

(e[...]) comhlíonadh coinníollacha cumasaithe agus cur i bhfeidhm na gcoinníollacha sin i rith na clárthréimhse.

3. Féadfaidh an Coimisiún barúlacha a thabhairt maidir leis an [...] tuarascáil laistigh de dhá mhí ón dáta a fhaigheann sé an tuarascáil. I gcás nach gcuireann an Coimisiún barúlacha in iúl laistigh den spriocdháta sin, measfar gur glacadh leis an tuarascáil.
4. Chun coinníollacha aonfhoirmeacha a áirithiú le haghaidh chur chun feidhme an Airteagail seo, déanfaidh an Coimisiún gníomh cur chun feidhme a ghlacadh lena mbunófar an teimpléad don [...] tuarascáil. Glacfar an gníomh cur chun feidhme sin i gcomhréir leis an nós imeachta [...] *scrúdúcháin* dá dtagraítear in Airteagal 29(2).

Airteagal 27

Faireachán agus tuairisciú

1. Bunófar faireachán agus tuairisciú, i gcomhréir le Teideal IV de Rialachán (AE) Uimh. [Rialachán na bhForálacha Coiteanna], ar chineálacha idirghabhála a leagtar amach i dTáblaí 1, 2, [...] 3 **agus 4** in Iarscríbhinn VI. Chun aghaidh a thabhairt ar imthosca gan choinne nó imthosca nua nó chun cur chun feidhme éifeachtach cistiúcháin a áirithiú, tabharfar de chumhacht don Choimisiún gníomhartha tarmligthe a ghlacadh chun Iarscríbhinn VI a leasú i gcomhréir le hAirteagal 28.
2. Úsáidfean na táscairí **a leagtar síos in Iarscríbhinn VIII** i gcomhréir le hAirteagail 12(1), 17 agus 37 de Rialachán (AE) Uimh. [Rialachán na bhForálacha Coiteanna].

Airteagal 27a

Sonraí pearsanta a phróiseáil

- 1. Chun críocha chur chun feidhme an Chiste, d'fhonn na cuspóirí dá dtagraítear in Airteagal 3 a bhaint amach, próiseálfaidh an t-údarás bainistíochta, an t-údarás iniúchóireachta agus na tairbhíthe, ina gcáil mar rialaitheoirí sonraí, i gcomhréir le Rialachán (AE) 2016/679, pé sonraí pearsanta is gá do na comhtháscairí atá in Iarscríbhinn VIII, maidir le faireachán, meastóireacht, rialú agus iniúchóireacht, agus i gcás inarb infheidhme, chun incháilitheacht na rannpháirtithe a chinneadh.*
- 2. Coinneofar na sonraí pearsanta, dá dtagraítear i mír 1, i gcomhréir le hAirteagal 76 de Rialachán (AE) .../... [CPR].*

CAIBIDIL III

FORÁLACHA IDIRTHRÉIMHSEACHA AGUS DEIRIDH

Airteagal 28

An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar de chumhacht don Choimisiún gníomhartha tarmligthe a ghlacadh.
2. Tabharfar de chumhacht don Choimisiún gníomhartha tarmligthe a ghlacadh dá dtagraítear in Airteagail 12, 15, 24 agus 27 go dtí an 31 Nollaig 2028.
3. Maidir leis an tarmligean cumhachta dá dtagraítear in Airteagail 12, 15, 24, agus 27, féadfaidh Parlaimint na hEorpa nó an Chomhairle an tarmligean sin a chúlghairm aon tráth. Leis an gcinneadh chun cúlghairm a dhéanamh, cuirfear deireadh le tarmligean na cumhachta a shonraítear sa chinneadh sin. Gabhfaidh éifeacht leis ar an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghnímh tharmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach an 13 Aibreán 2016 maidir le Reachtóireacht Níos Fearr.
5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiocfaidh gníomh tarmligthe a ghlactar de bhun Airteagail 12, 15, 24 agus 27 i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh a thabhairt do Parlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Déanfar an tréimhse sin a fhadú dhá mhí ar thionscnamh Pharlaimint na hEorpa nó na Comhairle.

Airteagal 29

Nós imeachta coiste

1. Tabharfaidh an Coiste Comhordaithe um an gCiste Tearmainn, [...] Imirce **agus Lánpháirtíochta**, an Ciste Slándála Inmheánaí agus an Ionstraim um Bainistiú Teorainneacha agus um Víosáí cúnaimh don Choimisiún. Beidh an coiste sin ina choiste de réir bhrí Rialachán (AE) Uimh. 182/2011 ó **Pharlaimint na hEorpa agus ón gComhairle**³³.
2. I gcás ina ndéanfar tagairt don mhír seo, beidh feidhm ag Airteagal 54 de Rialachán (AE) Uimh. 182/2011. ***I gcás nach dtugann an coiste aon tuairim, ní dhéanfaidh an Coimisiún an dréachtghníomh cur chun feidhme a ghlacadh agus beidh feidhm ag an tríú fomhír d'Airteagal 5(4) de Rialachán (AE) Uimh. 182/2011.***
3. [...]

³³ ***Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún.***

Airteagal 30

Forálacha idirthréimhseacha

1. [...]
2. [...] Ní dhéanfaidh an Rialachán seo difear do leanúnachas ná do mhodhnú na gníomhaíochtaí lena mbaineann, go dtí go gcuirfear clabhsúr orthu, faoi Ionstraim hóilíneachta an Chiste Slándála Inmheánaí, agus beidh feidhm aige maidir leis na gníomhaíochtaí lena mbaineann go dtí go gcuirfear clabhsúr orthu.
3. Ina theannta sin, féadfaidh imchlúdach airgeadais an Chiste na speansais is gá maidir leis an gcúnamh teicniúil agus riaracháin a chumhdach chun an t-aistriú idir an Ciste agus na bearta a glacadh faoina réamhtheachtaí, Ionstraim Phóilíneachta an Chiste Slándála Inmheánaí a bhunaítear le Rialachán (AE) Uimh. 513/2014, a áirithiú.

Airteagal 31

Teacht i bhfeidhm agus cur i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2021.

Beidh an Rialachán seo ina cheangal go huile agus go hiomlán agus beidh sé infheidhme go díreach sna Ballstáit i gcomhréir leis na Conarthaí.

Arna dhéanamh sa Bhruiséil,

Thar ceann Pharlaimint na hEorpa

Thar ceann na Comhairle

An tUachtarán

An tUachtarán

[Critéir maidir le leithdháileadh cistí ar na cláir faoi bhainistíocht chomhroinnte]

[Leithdháilfear an t-imchlúdach airgeadais dá dtagraítear in Airteagal 10 ar chláir na mBallstát mar seo a leanas:

- (1) leithdháilfear méid socraithe aonuaire EUR 5 000 000 ar gach Ballstát ag tús na clárthréimhse chun mais chriticiúil a áirithiú do gach clár agus chun riachtanais a chumhdach nach gcuirfí in iúl go díreach leis na critéir thíos;
- (2) leithdháilfear na hacmhainní atá fágtha de réir na gcritéar seo a leanas:
 - (a) 45 % i gcomhréir inbhéartach lena n-olltáirgeacht intíre (caighdeán na cumhachta ceannaigh in aghaidh an áitritheora),
 - (b) 40 % i gcomhréir le méid a ndaonra,
 - (c) 15 % i gcomhréir le méid a gcríoch.

Bunófar an chéad leithdháileadh ar na sonraí staidrimh is déanaí a bheidh foilsithe ag an gCoimisiún (Eurostat) lena gcumhdófar an bhliain féilire díreach roimhe sin. Maidir leis an athbhreithniú meántearma, is é a bheidh sna figiúirí tagartha na sonraí staidrimh is déanaí a bheidh curtha ar fáil ag an gCoimisiún (Eurostat) lena gcumhdófar an bhliain féilire roimhe sin agus a bheidh ar fáil tráth an athbhreithnithe meántearma in 2024.]

³⁴ *Na critéir a mholtar le haghaidh leithdháileadh cistiúcháin ar chláir, ba dhíol sásaimh do thromlach na mBallstát na critéir sin a bheith bunaithe ar an olltáirgeacht intíre agus ar an daonra atá acu agus ar mhéid a gcríoch. I measc na gcritéar breise eile a mhol na Ballstáit, áirítear líon na gcionta coiriúla agus líon na gcuariteoirí. Ina theannta sin, chuir roinnt Ballstát in iúl go bhféadfadh an méid socraithe a leithdháilfear ag tús an chláir a mhéadú suas go dtí EUR 10 milliún, i gcomhréir le himchlúdach airgeadais treisithe an Chiste, chun an cur chun feidhme a éascú.*

IARSCRÍBHINN II

Bearta cur chun feidhme

Rannchuideoidh an Ciste leis an gcuspóir sonracha a leagtar amach in Airteagal 3(2)(a) trí dhírú ar na bearta cur chun feidhme seo a leanas:

- (a) cur i bhfeidhm aonfhoirmeach *acquis* an Aontais a áirithiú maidir le slándáil lena dtacaítear le malartú faisnéise, mar shampla trí bhíthin Prüm, Taifead Ainmneacha Paisinéirí an Aontais (EU PNR) agus SIS II, lena n-áirítear trí chur chun feidhme moltaí ó shásraí rialaithe cáilíochta agus meastóireachta amhail sásra meastóireachta Schengen agus sásraí rialaithe cáilíochta agus meastóireachta eile;
- (b) córais agus líonraí *TFC agus [...] náisiúnta* agus de chuid an Aontais a bhfuil ábharthacht slándála ag baint leo a chur ar bun, a chur in oiriúint agus a chothabháil, lena n-áirítear a n-idir-inoibritheacht, agus uirlisí iomchuí a fhorbairt chun aghaidh a thabhairt ar bhearnaí a shainaithneofar;
- (c) úsáid ghníomhach a mhéadú i dtaca le huirlisí malartaithe faisnéise, córais agus bunachair shonraí *náisiúnta agus* de chuid an Aontais a bhfuil ábharthacht slándála ag baint leo, agus a áirithiú go bhfuil sonraí ar ardcháilíocht á soláthar dóibh;
- (d) tacú le bearta ábhartha náisiúnta *agus de chuid an Aontais*, más ábhartha sin, chun na cuspóirí sonracha a leagtar amach in Airteagal 3(2)(a) a chur chun feidhme.

Rannchuideoidh an Ciste leis an gcuspóir sonracha a leagtar amach in Airteagal 3(2)(b) trí dhírú ar na bearta cur chun feidhme seo a leanas:

- (a) oibríochtaí forfheidhmithe dlí a mhéadú idir na Ballstáit, lena n-áirítear, nuair is iomchuí, le gníomhaithe ábhartha eile, go háirithe chun úsáid foirne comhphárteacha imscrúdaithe, patróil chomhphárteacha, deargthóir, faireachas discréideach agus sásraí eile don chomhar oibríochtúil a fheabhsú agus a éascú i gcomhthéacs thimthriall beartais an Aontais[...], agus béim ar leith á leagan ar oibríochtaí trasteorann;

- (b) comhordú agus comhar na n-údarás forfheidhmithe dlí agus údaráis inniúla eile a mhéadú laistigh de na Ballstáit agus idir na Ballstát agus le gníomhaithe ábhartha eile, mar shampla trí líonraí d'aonaid speisialaithe náisiúnta, líonraí agus struchtúir comhair de chuid an Aontais, lárionaid de chuid an Aontas;
- (c) an comhar idirghníomhaireachta [...] ar leibhéal an Aontais a fheabhsú idir [...] na Ballstáit[...] agus na comhlachtaí, oifigí agus gníomhaireachtaí ábhartha de chuid an Aontais [...], chomh maith le feabhas a chur air ar an leibhéal náisiúnta i measc na n-údarás náisiúnta i ngach Ballstát.

Rannchuideoidh an Ciste leis an gcuspóir sonrach a leagtar amach in Airteagal 3(2)(c) trí dhírú ar na bearta cur chun feidhme seo a leanas:

- (a) oiliúint i bhforfheidhmiú an dlí a mhéadú, chomh maith le cleachtaí, foghlaim fhrithpháirteach, cláir speisialaithe malartaithe agus comhroinnt dea-chleachtais, lena n-áirítear i dtríú tíortha agus le tríú tíortha agus gníomhaithe ábhartha eile;
- (b) leas a bhaint as sineirgí trí acmhainní agus eolas a chomhroinnt idir na Ballstáit agus gníomhaithe ábhartha eile, lena n-áirítear an tsochaí shibhialta trí bhíthin, mar shampla, ionaid chomhpháirteacha barr feabhais a chruthú, measúnuithe riosca comhpháirteacha a fhorbairt, nó lárionaid choiteanna tacaíochta oibríochtúla le haghaidh oibríochtaí arna gcur i gcrích go comhpháirteach;
- (c) bearta, coimircí, sásraí agus dea-chleachtais a chur chun cinn agus a fhorbairt chun sainaitheint luath, cosaint agus tacaíocht a thabhairt d'fhinnéithe, do sceithirí agus d'íospartaigh na coireachta agus, chuige sin, comhpháirtíochtaí a fhorbairt idir údaráis phoiblí agus gníomhaithe ábhartha eile;
- (d) trealamh ábhartha a fháil agus saoráidí speisialaithe oiliúna agus [...] bonneagar riachtanach eile a bhfuil ábharthacht slándála ag baint leis a chur ar bun nó a uasghrádú chun ullmhacht, teacht aniar, feasacht an phobail agus freagairt leordhóthanach a mhéadú i dtaca le bagairtí slándála.

IARSCRÍBHINN III

Liosta de ghníomhaíochtaí túscaha a gheobhaidh tacaíocht ón gCiste i gcomhréir le hAirteagal 4

- Córais agus líonraí TFC a rannchuidíonn le gnóthú chuspóirí an Rialacháin seo, oiliúint ar úsáid na gcóras sin, idir-inoibritheacht agus cáilíocht sonraí na gcóras sin a thástáil agus a fheabhsú;
- faireachán a dhéanamh ar an gcaoi a gcuirtear dlí an Aontais agus cuspóirí beartais an Aontais chun feidhme sna Ballstáit i réimse na gcóras faisnéise slándála;
- [...] gníomhaíochtaí *oibríochtúla de chuid thimthriall beartais an Aontais* [...];
- gníomhaíochtaí lena dtacaítear le freagairt éifeachtach chomhordaithe a thabhairt i gcásanna géarchéime trína nascfar le chéile na cumais, na lárionaid saineolais agus na lárionaid feasachta staide atá ann cheana de réir na hearnála, lena n-áirítear iad siúd a bhaineann leis an tsláinte, leis an gcosaint shibhialta agus leis an sceimhlitheoireacht;
- gníomhaíochtaí trína bhforbraítear modhanna nuálacha nó lena gcuirtear teicneolaíochtaí nua chun oibre a d'fhéadfaí a aistriú go Ballstáit eile, go háirithe tionscadail arb aidhm dóibh torthaí tionscadal taighde slándála atá cistithe ag an Aontas a thástáil agus a bhailíochtú;
- tacaíocht do líonraí téamacha nó trastéamacha d'aonaid speisialaithe náisiúnta chun feabhas a chur ar mhuintín fhrithpháirteach, ar mhalartú agus scaipeadh feasa gnó, faisnéise, taithí agus na geleachtas is fearr, ar chomhthiomsú acmhainní agus saineolais i ionaid chomhpháirteacha barr feabhais;

- oideachas agus oiliúint a chur ar bhail foirne agus ar shaineolaithe na n-údarás ábhartha forfheidhmithe dlí agus breithiúnach agus na ngníomhaireachtaí riaracháin ábhartha, agus riachtanais oibríochtúla agus anailís ar rioscaí á gcur san áireamh, [...] i gcomhar le CEPOL agus, nuair is infheidhme, leis an nGréasán Eorpach um Oiliúint Bhreithiúnach;
- comhar leis an earnáil phríobháideach chun an mhuinín a thógáil agus feabhas a chur ar an gcomhordú, ar an bpleanáil teagmhais agus ar mhalartú agus scaipeadh na faisnéise agus na gcleachtas is fearr i measc gníomhaithe poiblí agus gníomhaithe príobháideacha, lena n-áirítear le linn spásanna poiblí agus bonneagar criticiúil a chosaint;
- gníomhaíochtaí lena gcumasaítear pobail chun roinnt cineálacha cur chuige áitiúil agus beartais choise a fhorbairt, agus gníomhaíochtaí múscailte feasachta agus cumarsáide i measc geallsealbhóirí agus an phobail i gcoitinne maidir le beartais slándála an Aontais;
- trealamh, modhanna iompair, córais chumarsáide agus [...] saoráidí a bhfuil ábharthacht slándála ag baint leo;
- costas na mball foirne a bhfuil baint acu leis na gníomhaíochtaí a fhaigheann tacaíocht ón gCiste nó le gníomhaíochtaí a bhfuil gá le rannpháirtíocht foirne ina leith ar chúiseanna teicniúla nó cúiseanna a bhaineann le slándáil.

IARSCRÍBHINN IV

Gníomhaíochtaí atá incháilithe le haghaidh cómhaoinithe níos airde i gcomhréir le hAirteagal 11([...]3) [...]

- Tionscadail arb é is aidhm dóibh an radacú a chosc agus a throid.
- Tionscadail arb é is aidhm dóibh idir-inoibritheacht chórais agus líonraí TFC [...] a fheabhsú³⁵.
- *Tionscadail arb é is aidhm dóibh gach cineál cibearchoireachta a chomhrac.*
- *Tionscadail arb é is aidhm dóibh bonneagair chriticiúla a neartú.*

³⁵ [...]

IARSCRÍBHINN V

Croítháscairí feidhmíochta dá dtagraítear in Airteagal 24(1)

Cuspóir Sonrach 1: Malartú faisnéise níos fearr

- 1. Líon na gcóras agus na líonraí TFC a rinneadh idir-inoibritheach*
- 2. Líon na n-aonad riaracháin a bhfuil sásraí/nósanna imeachta/uirlisí/treoir curtha i bhfeidhm nó uasghrádaithe acu le déanaí le haghaidh malartú faisnéise le Ballstáit/gníomhaireachtaí de chuid an Aontais/eagraíochtaí idirnáisiúnta/tríú tíortha*
- 3. Líon na rannpháirtithe a thugann le fios go mbaintear úsáid níos éifeachtaí, tar éis na gníomhaíochta oiliúna, as sásraí malartaithe faisnéise de chuid an Aontais*

[...]

Cuspóir Sonrach 2: Comhar oibríochtúil a mhéadú

[...]

- [...] *1. Caimníocht* [...] na ndrugaí aindleathacha [...] *a urghabhadh i gcomhthéacs oibríochtaí* trasteorann [...].

[...]

2. *Líon na n-oibríochtaí trasteorann*
3. *Líon na moltaí ag eascairt as Meastóireacht Schengen a raibh impleachtaí airgeadais ag baint leo i réimse na slándála ar tugadh aghaidh orthu*

[...]

Cuspóir Sonrach 3: Cumais a neartú chun an choireacht a chomhrac agus a chosc

1. *Líon na dtionscnamh a forbraíodh nó ar cuireadh leo chun an radacú agus antoisceachas an fhoréigin a chosc*
2. *Líon an bhonneagair chriticiúil/na spásanna poiblí a bhfuil saoráidí nua/oiriúnaithe acu chun cosaint i gcoinne rioscaí a bhaineann leis an tslándáil*
3. *Líon na rannpháirtithe a ghlac páirt i ngníomhaíocht oiliúna nó clár malartaithe*
4. *Líon na n-íospartach coireachta ar tugadh cúnamh dóibh*

[...]

[...]

IARSCRÍBHINN VI

Cineálacha idirghabhála

TÁBLA 1: CÓID DO DHIMINSEAN AN RÉIMSE IDIRGHABHÁLA

1	TER – Comhrac i gcoinne mhaoiniú na sceimhlitheoireachta
2	TER – An radacú a chosc agus a chomhrac
3	TER – Cosaint agus teacht aniar spásanna poiblí agus targaidí boga eile
4	TER – Cosaint agus teacht aniar an bhonneagair chriticiúil
5	TER – Ceimiceach Bitheolaíoch Radaighníomhach Núicléach
6	TER – Pléascáin
7	TER – Bainistiú géarchéime
8	TER – Eile
9	OC – Éilliú
10	OC – An choireacht eacnamaíoch agus airgeadais
11	OC – Drugaí
12	OC – Gáinneáil ar airm thine
13	OC – Gáinneáil ar dhaoine
14	OC – Smuigleáil imirceach
15	OC – An choireacht chomhshaoil
16	OC – An choireacht mhaoine eagraithe
17	OC – Eile
18	CC – Cibearchoireacht – Eile
19	CC – Cibearchoireacht – Cosc

20	CC – Cibearchoireacht – Imscrúduithe a éascú
21	CC – Cibearchoireacht – Cúnamh d'íospartaigh
22	CC – Teacht i dtír gnéasach ar leanaí – Cosc
23	CC – Teacht i dtír gnéasach ar leanaí – Imscrúduithe a éascú
24	CC – Teacht i dtír gnéasach ar leanaí – Cúnamh d'íospartaigh
25	CC – Teacht i dtír gnéasach ar leanaí – Eile
26	CC – Eile
27	GEN – Malartú faisnéise
28	GEN – Comhar póilíneachta nó idirghníomhaireachta (e.g.custaim, gardaí teorann, seirbhísí faisnéise)
29	GEN – Fóiréinsic
30	GEN – Tacaíocht d'íospartaigh
31	GEN – Tacaíocht oibriúcháin
32	TA – Cúnamh teicniúil [...]
[...]	[...]
[...]	[...]
[...]	[...]

TÁBLA 2: CÓID DO CHINEÁL AN DIMINSIN GNÍOMHAÍOCHTA

1	Córais TF, idir-inoibritheacht, cáilíocht sonraí, córais chumarsáide (gan trealamh san áireamh)
2	Líonraí, ionaid barr feabhais, struchtúir chomhair, gníomhaíochtaí agus oibríochtaí comhpháirteacha
3	Foirme Comhpháirteacha Imscrúdaithe nó oibríochtaí comhpháirteacha eile
4	Saineolaithe a thabhairt ar iasacht nó a imscaradh
5	Oiliúint
6	Dea-chleachtais a mhalartú, ceardlanna, comhdhálacha, imeachtaí, feachtais múscaíte feasachta, gníomhaíochtaí cumarsáide
7	Staidéir, treoirhionscadail, measúnuithe riosca
8	Trealamh [...]
9	Modhanna iompair [...]
10	Foirgnimh, saoráidí [...]
11	Feidhmiú tionscadal taighde agus obair leantach eile

TÁBLA 3: CÓID DO DHIMINSEAN NA MÓDÚLACHTAÍ CUR CHUN FEIDHME

1	[...] <i>Gníomhaíochtaí de réir Airteagal 11.1</i>
[...]	[...]
[...]	[...]
[...] 2	Gníomhaíochtaí sonracha [...]
[...] 3	[...] [...] <i>Gníomhaíochtaí a liostaítear in Iarscríbhinn IV</i>
[...] 4	[...] <i>Tacaíocht oibriúcháin</i>
5	[...] <i>Cúnamh éigeandála</i>

TÁBLA 4: CÓID DO DHIMINSEAN NA MÓDÚLACHTAÍ TÁNAISTEACHA CUR CHUN FEIDHME

1	<i>Comhar le tríú tíortha</i>
2	<i>Gníomhaíochtaí i dtríú tíortha</i>
3	<i>Cur chun feidhme na moltaí ag eascairt as Meastóireacht Schengen i réimse an chomhair póilíneachta</i>

IARSCRÍBHINN VII

Gníomhaíochtaí atá incháilithe chun tacaíocht oibriúcháin a fháil

Faoin gcuspóir sonrach *malartú faisnéise níos fearr*, cumhdófar an méid seo a leanas leis an tacaíocht oibriúcháin laistigh de na cláir:

- cothabháil agus deasc chabhrach chórais agus líonraí TFC an Aontais agus, i gcás inarb ábhartha, chórais **agus líonraí** náisiúnta TFC a rannchuidíonn le gnóthú chuspóirí an Rialacháin seo.
- costais a bhaineann le baill foirne a rannchuidíonn le gnóthú chuspóirí an Rialacháin seo

Faoin gcuspóir sonrach *comhar oibríochtúil a mhéadú*, cumhdófar an méid seo a leanas leis an tacaíocht oibriúcháin laistigh de na cláir náisiúnta:

- cothabháil a dhéanamh ar threalamh teicniúil nó ar mhodhanna iompair a úsáidtear le haghaidh gníomhaíochtaí maidir le coireacht thromchúiseach eagraithe a bhfuil éirim thrasteorann ag baint léi a chosc, a bhrath, agus a imscrúdú.
- costais a bhaineann le baill foirne a rannchuidíonn le gnóthú chuspóirí an Rialacháin seo

Faoin gcuspóir sonrach *cumais a neartú chun an choireacht a chomhrac agus a chosc*, cumhdófar an méid seo a leanas leis an tacaíocht oibriúcháin laistigh de na cláir náisiúnta:

- trealamh teicniúil nó modhanna iompair a chothabháil a úsáidtear le haghaidh gníomhaíochtaí maidir le coireacht thromchúiseach eagraithe a bhfuil éirim thrasteorann ag baint léi a chosc, a bhrath, agus a imscrúdú.
- costais a bhaineann le baill foirne a rannchuidíonn le gnóthú chuspóirí an Rialacháin seo

Ní chumhdófar gníomhaíochtaí nach bhfuil incháilithe faoi Airteagal 4(3).

IARSCRÍBHINN VIII

Táscairí aschuir agus torthaí dá dtagraítear in Airteagal 24(3)

Cuspóir Sonrach 1: Malartú faisnéise níos fearr

Táscairí aschuir

1. *Líon na rannpháirtithe i ngníomhaíochtaí oiliúna*
2. *Líon na gcruinnithe de shaineolaithe, na gceardlanna agus na gcuartheanna staidéir*
3. *Líon na gcóras, na bhfeidhmiúlachtaí agus na seirbhísí a forbraíodh/a ndearnadh cothabháil orthu/a rinneadh a uasghrádú*
4. *Líon na n-earraí trealaimh a ceannaíodh*
5. *Líon na modhanna iompair a ceannaíodh*

Táscairí toraidh

1. *Líon na gcóras agus na líonraí TFC a rinneadh idir-inoibritheach*
2. *Líon na n-aonad riaracháin a bhfuil sásraí/nósanna imeachta/uirlisí/treoir curtha i bhfeidhm nó uasghrádaithe acu le déanaí le haghaidh malartú faisnéise le Ballstáit/gníomhaireachtaí de chuid an Aontais/eagraíochtaí idirnáisiúnta/tríú tíortha*
3. *Líon na rannpháirtithe a thugann le fios go mbaintear úsáid níos éifeachtaí, tar éis na gníomhaíochta oiliúna, as sásraí malartaithe faisnéise de chuid an Aontais*

[...]

[...]

Cuspóir Sonrach 2: Comhar oibríochtúil a mhéadú

Táscairí aschuir

1. *Líon na gcrúinnithe de shaineolaithe, na gceardlanna, na gcúairteanna staidéir, na bhfreachnamh coiteann, na lámhleabhar dea-chleachtas, na n-ábhar a chuir Ballstát eile ar fáil do lámhleabhar*
2. *Líon na gcóras, na bhfeidhmiúlachtaí agus na seirbhísí a forbraíodh/a ndearnadh cothabháil orthu/a rinneadh a uasghrádú*
3. *Líon na n-earraí trealaimh a ceannaíodh*
4. *Líon na modhanna iompair a ceannaíodh*

Táscairí toraidh

1. *An luach measta ar shócmhainní calctha i gcomhthéacs oibríochtaí trasteorann*
2. *Cainníocht na ndrugáí aindleathacha a urghabhadh i gcomhthéacs oibríochtaí trasteorann*
3. *Líon na n-aonad riaracháin a bhfuil sásraí/nósanna imeachta/uirlisí/treoir curtha i bhfeidhm nó uasghrádaithe acu le déanaí le haghaidh comhair le Ballstáit/gníomhaireachtaí de chuid an Aontais/eagraíochtaí idirnáisiúnta/tríú tíortha*
4. *Líon na n-oibríochtaí trasteorann*
 - 4.1. *Díobh sin, líon na bhfoirne comhpháirteacha imscrúdaithe*
 - 4.2. *Díobh sin, líon na ngníomhaíochtaí oibríochtúla de chuid thimthriall beartais an Aontais*

5. *Líon na foirne atá bainteach le hoibríochtaí trasteorann*
6. *Líon na moltaí ag eascairt as Meastóireacht Schengen a raibh impleachtaí airgeadais ag baint leo i réimse na slándála ar tugadh aghaidh orthu*

[...]

[...]

Cuspóir Sonrach 3: Cumais a neartú chun an choireacht a chomhrac agus a chosc

Táscairí aschuir

1. *Líon na rannpháirtithe i ngníomhaíochtaí oiliúna/cláir malartaithe*
2. *Líon na n-earraí trealaimh a ceannaíodh*
3. *Líon na modhanna iompair a ceannaíodh*
4. *Líon na n-earraí bonneagair/saoráidí a bhfuil ábharthacht slándála ag baint leo/uirlisí/sásraí a tógadh/a ceannaíodh/a ndearnadh a uasghrádú*
5. *Líon na ngníomhaíochtaí chun an choireacht a chosc agus chun cúnamh a thabhairt d'íospartaigh na coireachta*

Táscairí toraidh

1. *Líon na dtionscnamh a forbraíodh nó ar cuireadh leo chun an radacú agus antoisceachas an fhoréigin a chosc*
2. *Líon an bhonneagair chriticiúil/na spásanna poiblí a bhfuil saoráidí nua/oiriúnaithe acu chun cosaint i gcoinne rioscaí a bhaineann leis an tslándáil*
3. *Líon na rannpháirtithe a ghlac páirt i ngníomhaíocht oiliúna nó clár malartaithe*
4. *Líon na n-íospartach coireachta ar tugadh cúnamh dóibh*

Maidir le gach táscaire, is iad na Ballstáit an fhoinse sonraí

[...]

[...]
